

NZUMBULULO, NDIMA YA

VHUTANU TSHIPIDA TSHA II

¶ ...murahu kha thaberenakele haya matsheloni, na u divhadza mafhungo madifha u hothe, nga ndila ye Murena Mudzimu a vha wavhuđi kha riñe.

² Swondaha yo fhelaho musi bono lo ambiwa, huno vhunzhi ha vhoiñwi no vha ni fhano (nga iyo ñowa i tshi vhulaiwa vhukati): heļo bono lo itea ipfi nga ipfi nga tshifhinga tsha awara dza fumbili-iña nga murahu ha musi lo no ambiwa hafha kha pulatifomo. Ho vha hu zwa vhugala nga ndila ye Murena a ita. A thi athu vhona na muthihi wao a tshi kundelwa kha...kha vhutshilo hanga hothe, huno ndi na miñwaha ya fułhanu-mbili. U tou vha kokotolo, ipfi nga ipfi nga ndila ye zwa itea. Huno ndi pfa ndi khwine nga maanda, khwine nga maanda.

³ Huno zwino khezwo zwe nda vha ndi tshi khou amba nga hazwo, ndi tshi amba nga ha uho u pomokiwa. Kana, hu si u pomokiwa, zwe vha zwi tshi bva kha mbilu ya u fulufhedzeya, muthu a ofhaho Mudzimu, ane vhushumeli hanga vhu tou na na vhu tshi ya n̄tha... u vhesa ha n̄tha ha mupo, huno vha thoma u elekanya uri ndo vha ndi Murena Yesu, huno ndi ngau... thoma pfunzo thukhu nga hazwo. Fhedzi zwe the zwa imiswa nga khathihi. Ndi livhuwa Murena nga hezwo!

⁴ Huno nga u ḥavhanya musi ndi tshi bva khazwo nne muñe huno nda tou tendela ene Murena u vha nayo huno nda i kumedzela kha Murena, zwe vha zwe fhela nga u ḥavhanya, nga awara dzi sa fhiri fumbili-iña zwe vha zwe fhela zwe the. Zwa ntsiya ndi tshi ofha nga maanda na u sinyuwa zwiłukunyana, fhedzi ndi do bva kha hezwo nga murahunyana. A hu na zwiñwe zwe vha zwi tshi tshuwisa kha nne, fhedzi ndi khou tou ḥwa zwavhuđi na u vuwa.

⁵ Huno ro vha na magundo mahulwane ino vhege, ndi khou ḥoda u vhiga tshiñwe tshithu.

⁶ Zwino, arali ndo vha ndo thetshelesa kha zwine ene Murena a mmbudza, hezwo zwe vha zwi tshi do vha zwi songo bvelela. Miñwaha miña yo fhiraho O mmbudza. Huno mufumakadzi wanga ane a vha hafha, murahu kha vhathetshelesi hafha huñwe fhethu, huno murwa wanga o dzula... o vha a hafha kha pulatifomo minete i si gathi yo fhiraho, huno na vhañwe vhanzhi vhe vha mpfa ndi tshi zwi amba tshifhinga tshothe, "Hetshi ndi tshifhinga tsha u fhedza ndi tshi khou ya u vha na vhuñwe ha uvho vhutshilukanyi." Ni a vhona? Zwe swika... Ndo lingedza u tshila tsini nga maanda na Mudzimu na, kha u ita zwenezwo,

zwenezwo zwi bvisa tshiñwe tshithu sa u vheya vhathu kha vhuimo vhu kondaho u swika vha sa ñivhi zwine vha teya u humbula.

⁷ Huno zwenezwo, kha mulandu wa muthelo we nda vha nawo, ho vha hu tshi do vha hu si na ipfi na lithihi nga ha izwo arali ndo tou thetshëlesa kha ene Murena. Zwi dzulela u vha hune nda... Hune nda si Mu thetshëlesa ndi hune nda dzulela u vha na thaidzo. Arali ndo tou thetshëlesa nga vhuroñwane huno nda tshimbila Nae!

⁸ Huno zwenezwo zwi wana... Hone vhushumeli ndi ha n̄tha ha mupo tshinwe tshifhinga u swika... Ndo vha ndi tshi ofha uri ndi do pfukela nga kha u la muñwe mutalo. Fhedzi, zwino, a thi ambi... ndi khou ṭoda... muñwe na muñwe, u wana hezwi nga ndila yone, uri a thi khou amba uri ndi khou shavha, u ya u shavha ene Murena, fhedzi ndi tou vha ndi si tsha ṭoda u bvisela khagala huiwe ha n̄tha ha mupo, ni a vhona, ngauralo nga ndila ya izwo zwa vhuñalukanyi na—na zwithu zwi no nga izwo.

⁹ Zwino, ene Murena o vha wavhudì kha riñe nga tshino tshifhinga; O vusa ene Mukomana Neville, ane a vha na ipfi la vhuporofita; U na Mukomana Higginbotham na vhañwe vhanzhi vha vhakomana hafha vhane vha zwa vhukuma...nga kha zwifhiwa zwa maya kha tshivhidzo, vha khou ita madembe.

¹⁰ Huno itanu ri ndi ni fhe vhuñanzi. Ho vha hu na Khaladzi Opal Weaver, a thi ñivhi uri kana u na riñe hafha kha tshiyhidzo matsheloni ano kana hai. Naa ni fhano, Khaladzi Opal? Uri ndi si kone u—u mu vhona. Oo, zwo ralo, miñwaha minzhi yo fhiraho o vha a tshi khou fa nga pfuko, huno yone pfuko yo vha i kha zwipfi zwa mufumakadzi huno ya ya n̄tha kha tswio. Huno vha mu fha uvho vhusiku vhuthihi ha u tshila, o vha a wa fhasisa. Huno nda ya nda mu rabelela, huno bono la ña, huno o vha o fholo zwa vhukuma. Huno hezwo zwo vha lwa miñwaha ya fumiñthanu yo fhiraho. A dzhena ngomu na nn̄da vhukati hashu lwa miñwaha na miñwaha.

¹¹ Huno liñwe duvha a dzhena kha mulandu hune o vha a... o vha a na zwilonda kha mukulo nga maända huno a thoma u bva malofha u bva kha mukolo wawe. Henefho zwa tsivhudzwa uri a vhone dokotela nga u ñavhanya. (Huno ndi musi ndi Canada.) Huno a vhidza Mukomana Neville, huno Mukomana Neville o ya huno a wana Mukomana washu Higginbotham. A thi humbuli uri Mukomana Higginbotham u fhano, a nga vha, matsheloni ano. Mukomana Rupert Higgimbotham o vha a muñwe wa vhalangandaka vhashu, mukomana wavhudì. U fhano? Ngauralo vha ya n̄tha u rabelela hoyu mufumakadzi, huno musi vho mu rabelela... O vha a tshi khou bva malofha zwino, a thi ñivhi uri lwa tshifhinga tshi ngafhani, lwa maduvha, mavhili kana maduvha mararu, huno a tshi dzulela u pfela malofha. Huno

Mukomana Neville a mu rabelela ha ngo tsha dovha a pfela na shotha na lithihi la malofha. Ndi zwone.

¹² Huno zwenezwo o vha a na zwibvo zwivhili, tshipundu kana tshiñwe na tshiñwe tshe tsha vha tshi nga n̄tha ha mulomo wawe, u nga zwipundu kana tshiñwe na tshiñwe tshe tsha vha tshi nga n̄tha ha mulomo wawe; mapundu mahulu, nga u ralo. Huno o vha a sa athu vha na u vhofholowa khazwo, huno ho vha hu na... A ri, "Zwi tou hafu ya tshikalo tsha nduhu." Huno tsho vha kha mulomo wawe lwa—lwa tshifhinganyana, mađuvha. Huno Mukomana Higginbotham... Vhunga ndi sa buli iļo dzina la German zwavhudi, Mukomana Rupert, ni nkhangwele kha hezwo. Fhedzi naho zwo ralo, ndi... Huno ndi nga vha na hezwi zwo khakhea henefha. Kana, hai, ndi a tenda u—u na tshifhiwa tsha u amba nga dzindimi na u ḥalutshedza dzindimi. Huno o vha o vheya tshanda tshawe, nga hētshi tshifhinga, kha tshifhaṭuwo tshawe. Huno a ri, "Mukomana Branham, hu si mulovha, hu si madekwe, fhedzi nga u ḥavhanya hezwo zwithu zwa ṭuwa" nga n̄tha ha mulomo wawe. Nga u ḥavhanya!

¹³ Zwenezwo one madokotela a da n̄tha, vha lavhelesa kha mukolo wawe, na tshiñwe na tshiñwe, huno vha ri, "U teya u ya sibadela ngauri u na pfuko ya mukulo."

¹⁴ Ngauralo vha... Vha mu isa nn̄da kha sibadela. Huno a tho ngo vhuya nda zwi ḥivha uri o vha a heneffo u swika ndi tshi ḥangana na mufunzi washu wavhudī, Mukomana Neville, n̄tha hafha, huno ndo vha ndi ndilani yanga ya u ya sibadela huno a mmbudza uri—uri o vha a nn̄da hafha. Ngauralo nda ya n̄tha u mu vhona, huno munna wawe o vha o dzula heneffo. Huno mađanu, mađa kana mađanu, madokotela o vha o dzhena ngomu huno vha džhiya ndingo yazwo, vha tshi dzungudza thoho dzavho, a ri, "Yo, zwa vhukuma, ndi pfuko, pfuko ya tshitzhili, ndi pfuko."

¹⁵ Ngauralo ene mugudi a da ngomu huno a džhiya yone—yone ndingo yayo. A ri, "Izwo, hu si na u tima-tima, ndi pfuko."

¹⁶ Huno nda ri, "Fhedzi, khaladzi, arali Mudzimu o ni fhodza luthihi kha pfuko... irani zwi vhe zwiñwe na zwiñwe zwine zwi nga vha. Khamusi havho vhanna vha khou amba ngoho. Ndi—ndi vhanna vho pfumbudzwaho kha iļo sia u amba uri ndi pfuko kana zwi vhonala sa pfuko kana tshiñwe na tshiñwe tshine tsha vha. Ndi... Ndi vhanna vho pfumbudzelwaho iyo ndivho. Huno zwi vhonala sa pfuko ngauralo vha khou ri ndi pfuko." Huno nda ri, "Nga khonadzeo ndi yone."

¹⁷ Fhedzi o vha a sa ḥodi u zwi tenda uri ndi pfuko. Ngauralo, nda ri, "Fhedzi arali Mudzimu a nga—nga fhindula thabelo n̄tha heneffo u imisa u bva ha malofha; Mudzimu a nga fhindula thabelo, a nga bvisa hezwo zwithu zwiñhulu kha mulomo wanu. Irani zwi vhe tshiñwe na tshinwe tshine tshi nga vha, naa Mudzimu a nga si tshi imise heneffo?"

¹⁸ A ri, "Amen!" Huno munna wawe o vha o ima heneffho. Huno a ri, "Ndi zwine nda khou ima khazwo zwino, uri Mudzimu u do zwi imisa."

¹⁹ Huno nda mu rabelela. Huno vha dzhiya ndingo nn̄da u ya u lingulula, huno vha vhuya murahu "negethivi" musi vhone vhothe vho ri ndi pfuko. Ni a vhona?

²⁰ Ngauralo tshithu khetshi, khonani, uri ndi Ene Mudzimu nahone U ya fhindula thabelo. Huno ro takala nga maanda uri U ya ri dalela hafha kha heyi thaberanakele thukhu. A swi zwinzhi zwa u sedza khazwo, mabodo a kale maṭuku e ra posa hafha rothe, miňwaha minzhi yo fhiraho, u itela vhudzulo nga n̄tha ha thoho dzashu, ḥanga nga n̄tha ha thoho dzashu, kha ndi ralo, kha dzimvula na mahada na zwinwe zwinzhi. Fhedzi vhathu vhanzhi vha khou tshila ḥamusi nga n̄thani ha hohu u ḥidini, huno nga hezwo ri a livhuwa nga maanda.

²¹ Ri a livhuwa nga vhalangandaka vhashu. Ri a livhuwa nga madikoni ashu. Ri a livhuwa nga tshivhidzo tshashu. Nahone ri a livhuwa nga mufunzi washu. Ri a livhuwa nga tshifhiwa tshiňwe na tshinwe tshine O tshi fha kha tshivhidzo. Huno ri a rabela uri U do fha havha vhanna u pfectesa, uri vha sa vhuye vha sudzulutshela kha siya li si lone fhedzi u dzula vhukati kha mutalo wa bada Nayo. U sa vha vha vha dihudzaho kana tshiňwe; tshifhinga tshiňwe na tshiňwe ni tshi ralo, no fhele zwenezwo, ni a vhona. Itanu dzula no ḥukufhala Nazwo.

²² Huno ni a vhona, zwino, zwenezwo vhathu vha tshi dzhena ngomu, vha lwalaho na vhaṭhupheaho, u rabelelwa lwa tshifhinganyana musi ndo awela zwino lwa nwaha kana mivhili, zwenezwo Mudzimu o ita ndila ya u londota musi ndi tshi khou awela zwiṭukunyana. Ni a vhona? Oo, naa izwo a si zwavhud? Zwi teya u... Naa ri teya u vha vha livhuwaho nga izwo? Mudzimu ha vhuyi a Di siya a si na ḥanzi, ngauralo ro takala nga hezwo.

²³ Zwino, heyi vhege i tevhelaho, ene Murena a tshi funa, ndi tama u dzhiya vhasidzana vhanga vhaṭuku vhe vha tou bva tshikoloni kha holodei ya tshikolo, ngauralo ndi humbelwa uri ni do rabelela. Nwananga wa kalesa, kha tshikolo tsha n̄tha, u khou ḥoda u vhona he Paul Revere a ita u gada haweha vhūsiku, he a siya tshivhidzo heneffho. Huno ri... Ndi n̄tha hafha New England huno ri khou ḥoda u ya n̄tha huno ra vhona hezwo.

²⁴ Zwenezwo, ndo dzulela u ḥoda u vhona Old Irenside. Naa ndi vhangan vhe vha vhuya vha pfa nga tshirendo tsha *Old Ironside*? Ndi thine nda tshi takalela kha zwothe zwine nda zwi ḥivha; nga nn̄da ha Vhukriste, ndi tsha khwinesa tshanga. Ndi tou... Ndo thoma u tshi vhala huno nda fhamelwa huno nda dzula phasi, tshimbila u mona, u ya murahu. Naa ni nga tshi nupelisa hani nga murahu... zwi tou fana na u dzhiya bere na u i vhulaya nga murahu ha musi yo ni shumela na muṭa wanu.

ndi tou—ndi tou vha ndi nga si vhone hezwo. “Ngauralo ndi do mu bvisa!” Hai, ni songo ita hezwo. Musi mubambeli wa British a tshi kudana nayo huno a thula siya ḥayo la muṭwari wa kale, ndo—ndo kundelwa u ni vhona ni tshi zwi bvisela nn̄da huno na muṇwelisa khothe.

U mu fha kha midzimu ya ḫumbu,
Dzone phenyo na mimuya!

Ndi a funa hezwo.

²⁵ Huno zwenezwo ri khou ṭoda u ḫa fhasi, huno Vho. Kennedy a vho ngo ri ramba, fhedzi ri khou ṭoda u vhona White House musi ri heneffo. Vha...ndo no vha khayo lwa zwifhinga zwo vhalaho fhedzi vhana vha khou ṭoda u i vhona. Zwenezwo ri ḫo humela murahu hayani, ene Murena a tshi funa. Ngauralo ri rabeleleni.

²⁶ Huno ri khou rabelela vhafuṇwa vhashu vhoṭhe hafha vhane vha vha lwendoni, vhunzhi havho vha tshi dzhiya nyendo dzavho kha mafhethu o fhambanaho. Huno vhaṇwe vhavho vho ṭuwa ha matsheloni, fhasi ngei Kentucky na Tennessee na mafhethu o fhambanaho. Ngauralo ri khou vha rabelela.

²⁷ Zwino, ho vha hu na tshinwe tshithu tshe nda vha ndi tshi khou ya u ita ndivhadzo nga hatsho. Oo, ee, ndovhedzo i ḫa nga u ṭavhanya nga murahu ha tshumelo. Huno zwenezwo—zwenezwo ndi a tenda hu na u kumedzwa ha vhana, ene mukomana o vha a tshi khou mbudza nga hazwo, u kumedzwa ha vhana. Huno na zwithu zwinzhi nga maanda zwine ra teya u-... Ni ri mini? [Muṇwe muthu u vhudzisa Mukomana Branhamma nga ha tshumelo ya madekwana—Mudz.] Zwo ralo, a thi dipfi uri ndi nga dzhiya tshumelo dzoṭhe. Ni a vhona, ndi dhiya nthihi huno Mukomana Neville u dzhiya iñwe. Huno ndi nga si... A si... Musi hu na vhavhili vhashu hafha, mulandu ni tshi khokhovhedza muṇwe? Naa izwo a si zwone, Mukomana Neville? Ndi zwone kokotolo.

²⁸ Huno, zwenezwo, Dok o mbudza u re-... u ni vhudza noṭhe u vha elelwa... pfulufhedziso dzanu kha tahberenakele, uri—uri tshone tshivhidzo... ine vha sedza kha tshifhaṭo nga u ṭavhanya musi vha tshi anganyela zwo ḫthe u itela tshivhidzo.

²⁹ Huno ngauralo ndo—ndo vha... Zwo vhonala kha nne u nga hu na tshinwe tshithu, zwi tea u vha musi ni tshi mbudza nga hazwo, u kumedza ha vhana. Ndi zwine zwo vha zwi zwone. Huno ri ḫo vha na hezwo nga u ṭavhanya nga murahu ha u fhedza ha heyi tshumelo zwino.

³⁰ Zwino, hezwi zwi teya u rabelelwā, zwisagadugu, ndi a kholwa? Zwo luga, muṇe wanga. Ri ḫo ita hezwo roṭhe, huno zwenezwo...

³¹ Zwino, phanda ha musi ri tshi sendela kha Ipfi... Naa ndi vhanngana vha no ḫifhelwa nga Ipfi? Yawee, nne nne, ndi tshi

tshila kha thavha! Ni dzhiela nzhele, ni—ni nga vhona u bva Swondaha yo fhiraho zwine zwa amba u zwi ita nga ndila ya Mudzimu. Ni a vhona? Musi ndi tshi vhona uri wo vha u muya we wa vha wo dzhena kha avho vhakomana vhavhudi, ho vha hu si na ndila ya uri muthu wa mupo a bvise hezwo. Ngauralo tshithu fhedzi tshe ra teya u ita ho vha u zwi kumedzela kana u zwi isa kha Murena, huno nga awara dzi si gathi zweithe zwe vha zwe phela.

³² Zwino, vhafunzi (huno nne ndi tshi ṭuwa), ndi tshi vha muthusi waṇu na inwi hafha kha mushumo wa Murena, huno sa Paulo o vha a tshi ḍo ri, “Ndi a ni vhudza phanda ha Mudzimu na vharunwa vho khethwaho,” ni a vhona. Huno kha hetshi tshivhidzo hafha, huno na tsumbo yavhuḍi kha uri ni teya u ita mini arali muṇwe muthu a bva ndilani kha tshivhidzo. Ni a vhona?

³³ Zwino, arali ha ḍa tshiñwe tshithu nthā kha tshivhidzo tshine a tshi ngo luga, zwenezwo litshani muṭhu ene muṇe, ane a divha uri a zwi ngo luga, a ye kha muthu. Huno arali muṭhu a si vhuyedzedzwe; zwenezwo tshithu tshi tevhelaho tsha u ita ndi u dzhiya ḥanzi huno na ya, kana khamusi muthihi kana ḥanzi mbili, ni ya kha hoyu muthu u vha ita uri vhafpumedzanywe kana ni vhe na tshithu tsho onyolosiwa. Zwino, thetshelesani nga vhuroñwane! Zwino, hezwi zwi khou theiphiwa, nazwo. Huno arali hezwo zwi sa shumi...

³⁴ Ni songo vhuya na tendela ism ḥukhu, kana tshiñwe tshithu tshiṭuku, tshipfi tshi si tshavhuḍi tshi tshi vhuya tsha vuwa vhukati hanu. Tshi bviseni ndilani zwino! Ngauralo ndi tshone tshiṭuku... Ndi mbungu ḥukhu dzine dza tshinya ndirivhe, ni a divha. Ngauralo zwi bviseni ndilani! Tshipfi tshiñwe na tshiñwe tshiṭuku tshi songo daho, iyani ni amba ngatsho na onoyo muthu. Ni ri, “Ndo—ndo khakha. A—a thi ḫipfi nga ndila yone kha inwi, kana tshiñwe tshithu. Nthuseni u zwi rabelela, uri ndi ḍo vha khwine.” Ngauralo, a ri ḫodi tshithu fhedzi u tou kuna, u songo tshikafhadzeaho, Muya Mukhethwa wa Mudzimu vhukati hashu. Ndi zwenezwo fhedzi zwine ra ḫoda. Zwenezwo zwifhiwa na zwithu zwi ḍo shuma zwavhuḍi na tshiñwe na tshiñwe tshi ḍo vha tshi tshi khou dzudzanya.

³⁵ Mulandu ni tshi vha na tshivhidzo tsha hafu ngeno ni tshi nga vha na tsho fhelelaho? Ndi ngani ni tshi ḥanganedza tshiemeli ngeno lutombo lwothe lwo ḫala nga zwithu zwa vhukuma? Ni a vhona? A ri ḫodi hezwo. Ngauralo arali tshipfi tshi songo daho tshi tshi vhuya tsha ḫa vhukati hanu vhoinwi mirado, ni ya kha uyo muthu.

Ni ri, “Zwo ralo, vho nnyita...”

³⁶ Hezwo...ndi...Zwino, elelwani, hu si “arali ni na tshikhukhuliso kana thaidzo nga mukomana,” fhedzi “Arali mukomana a na tshiñwe tshithu tshine a khukhulisana na inwi.”

Ni a vhona? Iyani khae huno ni vhuyedzedzwe, ni mu vhudze uri—uri no vha na tshipfi tshi songo daho nga hae huno ni khou ḥoda u vha dzikhonani, huno na rabela huno na tsa fhasi nga aliṭare huno na bvisa tshithu vhukati haṇu.

³⁷ Zwino, Saṭhane u do dzulela u ni rwa u swika ni tshi fhela hafha kha lifhasi. Itanu elelwa hezwo. A ni nga vuwi no vha na tshifhinga fhedzi u vha na u lwiswa tshifhinga tshothe, ngauri ni nndwani. Naa no humbela uri ni de kha Kristo, u ya kha phikiniki? Zwo ralo, ni khou ya u mangadzwa zwa vhukuma, ngauri ndi nndwa i sa fheli. Ndo no vha midavhini lwa miñwaha ya furaru-nthihi, nahone ndo lwa tshipida tshinwe na tshinwe tsha ndila. Ndi zwone. Isirale o do teya u lwela tshipida tshinwe na tshinwe tsha ndila. Vha—vha... Palestine lo fhiwa vhone, fhedzi vho do teya u lwela tshipida tshinwe na tshinwe tsha ndila.

³⁸ Zwino, elelwani hezwi zwino, uri arali... Zwenezwo arali hu na tshinwe tshithu tshine tsha da kha tshivhidzo, zwenezwo irani vhafuni... huno arali—arali ni tshi teya u da na wana vhafunzi, u vha isa kha muthu onoyo. Zwenezwo arali vha si nga pfi izwo, zwenezwo idani nthā phanda ha tshivhidzo huno ni zwi ambe phanda ha tshivhidzo. Vha fheni tshifhinga tshinzhi uri vha vhuyedzedzwe, khamusi u bva iñwe Swondaha u ya kha iñwe. Huno arali vha si nga pfi tshivhidzo, zwenezwo Bivhili i ri, “Vha litsheni vha vhe sa vhahedeni na vha sa tendi.”

³⁹ Uri, ni a vhona, tenda fhedzi vho tsireledza nga tshivhidzo, Saṭhane a nga si vha wane. Fhedzi musi tshivhidzo tshi tshi vha bvisa fhasi ha tsireledzo ya tshivhidzo na one Malofha a Kristo, zwenezwo Saṭhane u do ya a shuma navho. Hezwo zwi do vha ḥisa thwii kha u vhuyedzedzwa hafhu. Ni a vhona? Ni—ni a pfectesa izwo, a ni ralo, mufunzi? Ee, muñe wanga.

⁴⁰ Ngauralo ndi tshone tshithu tsha u dzulela u elelwa u ita, ndi u vhuyedzedzwa, idani kha Mudzimu nahone ni tshimbile nga ndila ya Mudzimu. Ri na...

⁴¹ Naa izwo zwi tekedza mini kha riñe? Vhavhili kana vhararu vha vhakomana vhane vha divha uri ndo shuma fhasi ha havha vhañwe lwa miñwaha mivhili kana miraru. Ndi zwone. Fhedzi musi ndi tshi da fhethu hune nda humbula sa avho vhanna, huno mafhedziselon i ndo vha ndi tshi kona u funa avho vhanna lwo edanaho lune vha nga si bve khazwo. Huno nda dzhiya ḥanzhi fhedzi hezwo a zwi ngo shuma. Ndo do teya u zwi ḥisa tshivhidzoni. Huno zwenezwo u bva kha pulatifomo Swondaha yo fhiraho, nda ri, “A thi tsha ḥoda u zwi pfa na khathihi. Ndo vhofholowa khazwo. Ndo zwi humisela murahu kha Mudzimu, ni a vhona, huno nda zwi kumedza murahu Khae.”

⁴² Huno nga u ḥavhanya zwi sumbedza uri havho vhathu vho vha vho vhidzwa. Zwi... Zwino, arali vha songo ralo, musi vha tshi da kha ndulamiso ya Mañwalo... Huno muthu a nga

si imele ndulamiso ya Manwalo, u ya kwata huno a sinyuwa, zwi sumbedza uri ha ngo luga na Mudzimu. Zwone! Fhedzi wa vhukuma mukhethwa wa Mudzimu u ḋovhuyedzedzwa kha Mudzimu nga Ipfi. Ndi zwone. Huno lone Ipfi ndi ndila ya ndulamiso. Havho vhakomana vha teya u vha vha livhuwaho nga maanda kha Mudzimu uri . . .

⁴³ Ni a vhona, yone Bivhili yo ri “Vhakhole-khole vhokristo vha do vuwa nga maduvha a u fhedza huno vha do fhura vhenefho vhanangiwa arali zwo vha zwi tshi konadzea.” Fhedzi a zwi konadzei. Hai, muñe wanga. Vhone Vhanangiwa vho dzula vho telwa phanda, ngauralo vha nga si fhluriwe, ni a vhona.

⁴⁴ Ngauralo nga u ṭavhanya musi avho vhakomana . . . Vha da nthia heneffo nquni ḋuvha li tevhelaho, ni a vhona, u swika vha tshi vha na huno vha thoma u mpha Luñwalo lwavho. Huno zwenezwo Muya Mukhethwa nga Luñwalo wa tou haṭula tshiñwe na tshiñwe tshe vha vha vha khou amba. Ni a vhona? Ngauralo khezwo-ha heneffo, vho vhona, vhone tshigwada tsha vhatu vha tshi dzhena kha Vhuhone ha Mudzimu. Zwi nnyita uri ndi vhe a livhuwaho nga vhatu vha ngaho avho. Ee, muñe wanga. Ndi vhanna vha vhukuma.

⁴⁵ Musi ni tshi nga vhona muthu ane o khakha, huno zwa tikedzwa uri o khakha, hezwo zwi sumbedza uri u khou ḫoda u vha Mukriste, u ya nthia huno a ri, “Ndo khakha.” Ndi—ndi ene Mukriste wa vhukuma.

⁴⁶ Fhedzi hoyo muthu ane a do sinyuwa, huno a gidima-gidima kha sia lithihi huno a ri, “Aw, ho vha hu si na tshithu Khazwo,” huno nga u rali; lavhelesani, mukomana, ni nga vhona zwenezwo uri o ya nnda fhasi ha u laṭiwa ngauri o vha a si washu. Fhedzi tshifhinga tshoṭhe, u ḫa kha iļo Ipfi huno li do zwi ita tshifhinga tshoṭhe. Fhedzi ni teya u dzula na Ipfi.

⁴⁷ Ndi yone mbuno musi ndi tshi da, zwino, ndi na . . . ndi si tsha vha na u ṭalukanya na huthihi kha—kha la United States, songo vhuya nda ḋivhudza u ralo, hone vhutshilo hanga hoṭhe, u tou vha seli ha malwanzhe na midavhi i sili na zwiriwe zwinzhi. A hu na zwiñwe, sa tshifhiwa, sa tshifhiwa tsha vhuporofita, tshire tsha dzulela u vha heneffo, fhedzi ndi do zwi dzudza kha nne muñe huno nda tou zwi shuma ngauri ndi . . . ri no—ro no lenga kha ḋuvha zwino u zwi . . . zwi khou ya phanda. Ro no vha tsini nga maanda na tshifhinga tsha vhufhelo. Fhedzi kha mashango a sili hu tou vha muthihi kana mivhili milandu kha pulatifomo huno, mukomana, ndi amba uri vho no ṭuwa.

⁴⁸ Zwenezwo ri vha na u edzisela ha nama Hazwo. Yawee, nne nne! Zwi tou ṭungufhadza,. Lavhelesani, ndi khou ḫoda . . . Ndi vhanganha Vhapentekostała vha re ngomu hafha? Imisanī zwanda zwañu. Zwo luga. Lavhelesani, vhoiñwi Vhapentekostała, miñwaha i si gathi yo fhiraho Mudzimu o tou tsa kha vhoiñwi huno na thoma u amba nga dzindimi. Ndi zwone. Fhedzi na

diabolo o ita mini? O ḏa u mona huno a fha u edzisela ha ḥama. O ita tshiñwe tshithu tshe tsha vha tshi songo luga, a vha na vhathe fhasi huno vha tshi amba nga dzindimi, huno vha tshi vha ita uri vha ambe maipfi o raliho na zwithu zwa u vha ita u amba nga dzindimi, na zwiñwe zwinzhi; huno munna a tshi tshila na musadzi wa muñwe munna, na tshaka dzothe dza zwithu, huno na tshaka dzothe, vhañwe vhavho vha tshi ḥwa, u daha, na tshiñwe na tshiñwe, a tshi kha di amba nga dzindimi. Naa izwo o zwi itela mini? U ita uri phalaphala ya vhukuma i fhe mubvumo u si na vhutanzi kha vhathe. Zwenezwo ndi nnyi ake a nga di lugisela u itela nn̄dwa? Ni a vhona?

⁴⁹ Zwenezwo musi hezwi zwi tshi ḏa n̄tha... Zwino, ri na vhathe nn̄da kha vhathetshesi... Huna muthihi we a... we ya phanda hanga n̄tha heneffo Canada na kha... Mulandu, vhone vhathe vho mu wana sa wa vhudzekani ha mbeu-nthihi. Ni a vhona? A ri, "Mulandu, Mudzimu o mpha tshifhiwa tsha u ṭalukanya." A ri, "Hałełuya, ndi na..." A ri, "Zwino, ene Murena o mmbudza uri muñwe muthu ngomu hafha ake a pfi 'John...'"

⁵⁰ Ro vha na musidzana mułuku hafha mañwe matsheloni, u vhuva murahu heneffo, ni a eéléwa, u vhuva murahu heneffo huno a ri, "Ene Murena o mpha tshifhiwa tshithihi tshifanaho."

Huno nda ri, "Zwo ralo?"

A ri, "Ndi tama ndo vha ndi na tshikhala tsha u zwi tikedza."

Nda ri, "Kheyo pułatifomo."

⁵¹ Huno no zwi vhona zwe zwa iteya; ḥthuwedzo ya vhathe, ni a vhona. Fhedzi musi ni tshi vhona, Khaladzi Snyder a tshi ḏa n̄tha, huno a mu vhudza uri u na "vhulwadze ha marambo," hezwo—hezwo—hezwo zwo zwi fhedza. Musi Khaladzi Snyder...

⁵² Zwenezwo nda ri, "A si yone thaidzo ya mufumkadzi." Nda ri, "O wa a vunda khundu dzawe." Huno nda ri, "Ha ngo ima heneffo..." Ngauri Khaladzi Snyder ha ngo pfa nga maanda, huno a ri... Huno zwe a vha nazwo, ndi a tenda, ho vha hu tshibvo thumbuni yawe kana tshiñwe tshithu tsho khakheaho tsha u ralo. Nda ri, "Ndi zwine zwa vha zwone; ndo dzula hafha ndi tshi amba na vhakomana nga hazwo tshifhinga tshothe." Ni a vhona?

⁵³ Fhedzi zwi tou—zwi tou sumbedza uri tshivhidzo, ni a vhona, uri ndi u vhambedza ha ḥama, ni a vhona. Naa izwo zwi ita mini? Zwi ita phalaphala ya vhukuma...

⁵⁴ Zwino, musi ndo vha ndi Canada vho topola hoyu muthu we a ya n̄tha heneffo. Huno a ri (vhukati ha tshigwada tsha Norwegians), huno a ri, "Ene Murena u mmbudza uri muñwe muthu hafha..." gogo li no fhira heli nga fumi nga tshivhalo, "Muñwe muthu nga dzina la 'John,' khamusi

‘Johannes,’ ‘Johann.’” A ri, “Heneffa nga ngomu hafha, ndi a tenda.” A ri, “Hai,” a ri, “zwi tou vha huñwe fhethu nga heneffa”; a hu na zwiñwe, a dzhiya ngomu zwoþhe...kha shango la Norwegian? Huno muñwe na muñwe o vha na... Phesenthe dza fuþ—ahe dzavho ndi vha Petersons, Carlsons, John, Johannes, huno, mulandu, zwa vhukuma. Ni a vhona, u dzulela...Zwi teya u dzhena huñwe fhethu heneffo. Zwenezwo, “Ene Murena o mmbudza uri muñwe muthu u na thaidzo ya muñana, ndi pfa muñana wanga u tshi khou vhaisala.” Nnyi na nnyi we a vuswa nga kha Mañwalo u ya zwi ðivha uri ndi zwa muhumbulo. Ndi...Zwa vhukuma, zwo ralo.

⁵⁵ Fhedzi, ni a vhona, naa zwo ita mini? (Zwenezwo munna a topoliwa heneffo nga—nga FBI u bva hafha, a rumelwa nþha heneffo huno vha mu topola nþha heneffo, vhone Mapholisa vha Royal Mount.) Huno na khoro ya vhushumeli ha da kha nnæ, huno, “Wa vhudzekani ha mbeu-nthihi,” vha ri, “mulandu, Mukomana Branham khañwe tshithu tshithihi. Ndi nga ndila ine zwa tshimbila, ni a vhona.” Naa u khou ita mini? U fha phalaphala mubvumo u si na vhùtanzi. Ni a vhona? U tou vha kokotolo. Ndi nga ndila ine zwa dzulela u vha ngayo, u lingedza u ita zwithu zwi ngaho izwo u fha mubvumo u si na vhùtanzi. Ndi mushumo wa Sañhane u ita hezwo.

⁵⁶ Fhedzi, zwino, ni soongo vhuya na bva kha ilo Ipf. Elelwani, ndi a ni laya phanða ha Mudzimu: *Dzulani na ilo Ipf!* Ni songo vhuya na bva Khalo. Huno arali izwo zwithu zwa vuva vhukati ha vhathu na zwithu zwi ngaho izwo, hune ha vha na tsha vhukuma tshifhinga tshoþhe ni wana tsha mafanedza. Hu na—hu na dolara ya mafanedza, hezwo zwi sumbedza hu na dolara ya vhukuma ye vha kopela yone. Musi ni tshi pfa mohoyi a tshi amba nga dzindimi, ni nga si ri u na Muya Mukhethwa. Fhedzi, elelwani, u khou edzisela inwe ya vhukuma athikhili ine ya vha na tshifhiwa tsha u amba nga dzindimi. Musi ni tshi vhona hezwo zwithu zwine zwa vha mafanedza, elelwani, zwo itwa kha tsha vhukuma. Mudzimu ndi ene musimuli wa zwithu zwavhuði, fhedzi Sañhane u edzisela hezwo zwifhiwa. Zwo ralo, nda dzhena kha hezwo, ri nga si dzhene kha ngudo yashu, naa ri ðo ralo?

⁵⁷ [Mukomana Ben Bryant u ri, “Mukomana Branham, mpfareleni lwa minete?”—Mudz.]

Ee, mukomana.

[“Khou mbela? Ndo vha ndi siho fhano Swondaha yo fhiraho, huno ndo vha na pfa zwe na vha ni tshi khou amba nga hazwo miñwedzi i si gathi yo fhiraho. Huno ndo thithiswa zwa vhukuma ngazwo, zwiñkunyana, huno ndo pfa uri ndi ðe ndi ni vhudze nga hazwo nahone ndi vhudze Mukomana Neville. Fhedzi ndo pfa uri nazwo ni ðo ðivha uri mufumakadzi na nnæ ro zwi ita mafhungo a thabelo. Huno haya matsheloni musi ndi tshi ða kha thaberenakele, a thi ðivhi zwe zwa iteya, huno muñwe

wa vhakomana vhavhuđi a da kha nne matsheloni ano huno a nkhumbela uri ndi muhangwele. Huno ndi humbula uri uyo wo vha u Muya u ngaho-Kristo.”]

Amen.

[“Huno ndi humbula uri zwi ya ḥonifhisa kha mukomana.”]

Ee, muñe wanga.

[“O nkhumbela uri ndi muhangwele, ngauri o vha a tshi khou lingedza . . . o vha—o vha a tshi khou lingedza u q̄isa pfunzo kha nne.”]

Ee.

[“Huno ndo vha ndi nga si zwi ṭanganedze. Huno o nkhumbela uri ndi mu hangwele ano matsheloni, huno nda di mu hangwela nga Dzina la Yesu.”]

⁵⁸ Amen. Ndo livhuwa, Mukomana Ben Bryant. Zwino, ndi—ndi zwone kokotolo . . . Ndo takala uri no amba hezwo, Mukomana Ben. Ni a vhona, ngauri havho vhanna vho no vha huňwe na huňwe vha tshi ita mbuyedzedzo. Zwino, ndi Mukriste wa vhukuma. Hezwo ndi Vhukritse vhu tshi khou shuma. Musi no khakha, iyani n̄ha ni tende uri no khakha. Ni a vhona? Imani ni ri, “Ndo khakha, ni avhona, nkhangweleni.”

⁵⁹ Zwino, muthu ane a lingedza u zwi dzumba, zwenezwo u na tshithu tshire a khou tshi dzumbetshedza. Hai, muñe wanga, ndi takalela . . . U fana na dokotela mućuku hafha we . . . Ni a vhona, a nga . . . U . . . Ndi nga si mu ambele, fhedzi, naho zwe ralo, o vha na tshiñwe tshithu tshiłuku tshe a vha a tshi khou ṭoda u ita, ni a divha. Huno nda ri, “Oo, hai, Dok, ni nga si fhure Mudzimu.” Nda ri, “Ni teya u zwi vheya nn̄da hafha nga n̄ha ha bodo.” Ndi zwone, irani zwi tse fhasi nga uralo. A hu na zwiňwe, muthu o vha a si na mulandu wa u lingedza u ita tshiñwe tshithu tsho khakheaho. O tou—o tou elekanya uri zwi do vha zwavhuđi uri a wane tshipida tsha mavu. Huno o vha a si khou lingedza u ita vhuhi, o vha khou lingedza u ita zwe lulamaho. Fhedzi o vha atshi khou ṭoda . . . A ri, “Ndi . . .” O divha iňwe ndila ine a nga khauledza, u wana muňwe muthu a ite tshiñwe tshithu tshire tsha do vhanga hoyu muthu uri a t̄utuwedzwe nga hafha. A ni zwi iti nga iyo ndila. Ni tou da thwii nn̄da. Ni a vhona? Na dzula thwii na Ipfi, huno zwenezwo no zwi wana. Dzulani thwii na Ipfi! Mudzimu a mu fhaṭutshedza huno a mu itela tshithu tshihulwane. Ee, muñe wanga.

⁶⁰ Zwe luga, kha ri kotamise zwifhađuwo zwashu zwino u itela thabelo. Naa ndi vhangana vhane vha nga tama u elelwa kha thabelo? Ndi a divha muňwe musadzi o dzulaho hafha kha wilitshea ane zwa vhukuma a nga takalela u eleliwa, ndi a themba. Huno hoyu khaladzi hafha, vhothe, vha sedza fhasi vhothe nga kha fhethu. Zwino, kha ri vhetshele thungo tshiñwe na tshiñwe zwino huno ri džhen kha u losha. Ndi zwine ro ḥela

zwone fhano, lwa i no swika ya furaru-̄thanu i tevhelaho, minete ya fuīna, u losha.

⁶¹ Zwino, Murena, vhunga ri tshi dzika phanda Hau, ri tshi pfa uri washu Yoshuwa muhulwane, ene Muya Mukhethwa, Murangaphanda washu wa N̄tha ha mupo wa lino duvha... vhunga Yoshuwa o fhumudza vhathu phanda ha Mushe huno a ri, "Ri a kona na u fhirisa u dzhiya shango." Ngauri o vha a tshi khou lavhelesa, hu si kha avho Vhaameleke kana Vhaamori, fhedzi o vha a tshi khou sedza pfulufhedziso Khethwa ye ya fhiwa nga Mudzimu.

⁶² Huno kha heli duvha la u vutshelana na heyi nyimele ine shango la vha khayo, huno nga ano matsheloni a vhuđi a savhatha, ri a dzika phanda Hau, huno ra ri vhukati ha u edzisela hođhe, u edzisela ha ̄nama, vhukati ha vhuvhi hođhe na mimuya yo xedziwaho fhedzi ri sedza kha Ipfi la Mudzimu huno ra ri ri fhira vhakundi! Mudzimu o amba uri U do vha na Tshivhidzo tshine a tshi nga vhi na tshilavhi kana dondo Khatsho, huno ri a zwi ̄divha uri ri do vhona hestho Tshivhidzo liñwe duvha. Huno ri khou lusa sa mirađo, ri tshi tenda uri ri mirađo ya hetshi tshihulwane tsho bebiwaho hafhu tshivhidzo tsha Mudzimu huno tshone Tshivhidzo kha tshifhađuwo tsha lifhasi ̄namusi, ri sendela tshođhe kha Mudzimu nga Dzina la ene Murena Yesu.

⁶³ Huno vhunga ri tshi da nga u ̄diđukufhadza, ri humbela uri U do vheya u bva kha muhumbulo washu na mbilu dzashu zwithu zweđhe zwa shango, u kakarika hođhe ha vhutshilo na mbilaelo, huno uri Iwe, O Mudzimu, u do ri vheya kha vhuimo ha u losha, uri ri kone u losha Iwe nga kha u pfa ha Ipfi Lau.

⁶⁴ Zwino, vhunga Yohane, kha ngudo yashu matsheloni ano, o lila zwinzhi ngauri ho vha hu si na muthu we a vha o fanelwa u dzhiya Bugu, huno mbiluni dzashu ro vha ri tshi nga lila haya matsheloni, Murena, ngauri a hu na o fanelwaho u vula heyi Bugu. Fhedzi sa Yohane u lila hawe ho vha tshifhinganyana, nga u ̄tavhanya musi a tshi khuthadziwa huno Ngwana ya da ya dzhiya yone Bugu; O Ngwana ya Mudzimu, haya matsheloni, i da u dzhiye yone Bugu huno u ri vulele Yone, Murena. Ri lindela kha Iwe. Kha u sa fanelwa hashu ri lindela u... Ri fuhse nga Vhuhone Hau na Ipfi Lau.

⁶⁵ Zwanda zwinzhi zwe imiswa n̄tha kha Iwe, O Ngwana ya Mudzimu. Ri a zwi ̄divha uri Iwe u ̄divha mbilu iñwe na iñwe, ngauri Wo ̄divha zwipikwa zwavho. Huno U tou vha Mudzimu sa zwe wa vha dzulela U vha zwone. Huno U do dzulela u vha a fanaho, ngauri Wo khunyelela na a si na magumo nahone U nga si shanduke. Huno ri khou humbela haya matsheloni uri U do ri fusha, khumbelo ya muñwe na muñwe. Zwi tendele, Murena, uri vhođhe vha fushiwe vhunga vha tshi tutshela hetshi tshifhađo, uri vho vha kha hone Vhuhone ha Mudzimu huno vha tshi ̄tuwa

na lutamo lwa mbilu dzavho. Murena, u songo hangwa u nkatela kha iyo nomboro, na nne-vho. Ngauri ndi zwi humbelala nga Dzina la Yesu. Amen.

⁶⁶ Zwino, kha ri vule kha Bugu yashu yavhuđi, ri tshi lavhelela Ngwana u vula mapfundo, kana u vula Bugu kha riňe. Kha ri vule zwino, ri kha ndima ya vhu⁵ ya Bugu ya *Yone Nzumbululo ya Yesu Kristo*.

⁶⁷ Zwino, kha khonani dzanga dzothe u mona na zwipiđa zweithe zwa shango vhane vha do vha vha tshi khou pfa hezwi nga theiphi ya imaginethe, ngomu hafha ndi nga ri ndi teya u bvisela khagala pfunzo na zwiňwe zwinzhi u ita hezwi. Huno munna muňwe na muňwe a si na pfunzo ha na vhushumeli. Ngauralo arali ni sa humbuli uri tshivhidzo tshanu tshi teya u pfa theiphi, zwenezwo i bviseni khavho. Fhedzi ndi khou to bvisela khagala muhumbulo wanga na zwipfi zwanga, na nzumbululo yanga ya Ipfi la Mudzimu.

⁶⁸ Zwino, miňwedzi i si gathi yo fhiraho ro humela murahu huno ra vheya mutheo wa... maduvha a si gathi o fhiraho, kha ndi ralo, ro ya ra vheya mutheo kha ndima ya vhu⁴, yone ndima ya vhu³ u ya kha ya vh⁴. Huno zwino, Swondaha yo fhiraho, ro vheya mutheo kha ndima ya vhu⁴ u ya kha ya vhu⁵. Huno zwino, ñamusi, ri khou tođa u vheya mutheo kha ya vhu⁵ huno ra vheya mutheo kha i ñaho ya vhu⁶.

⁶⁹ Huno namusi ndi ndivho yanga u vheya oda Maňwalo, uri khamusi kha vhumatshelo, a thi divhi uri zwi do vha lini, fhedzi arali Murena a nekedza, liňwe ñuvha u vha na muňtangano wa mađuvha a sumbe kha thaberenakele kha *One Mapfundo a Sumbe*. Ro vha na Zwikhathi zwa Sumbe zwa Tshivhidzo, zwino ri khou ya u dzhiya masiku a sumbe a zwiphiri zwa sumbe zwa mapfundo a Mudzimu, ri tshi vula pfundo vhusiku vhuňwe na vhuňwe u swika zwi tshi da phasi kha one Mapfundo a Sumbe. Zwino, a thi divhi ndi lini hune Murena a do ri fha hezwo, fhedzi, arali A ralo, ndi khou to ya u vheya mutheo wazwo matsheloni ano.

⁷⁰ Huno u tsa phasi kha ndima ya u fhedza ya holwu lunňwa-... tshipida nt̄ha hafha, kana tshipida tsha Luňwalo, ri do dzhenisa ngomu *Dzone Vhege Dza Sumbe Dza Daniele*. Huno na vhege tharu dza u fhedza, u zwi tumanya na Muhuvho wa Pentekostała une wa dzhenisa ngomu vhatu kha yonela-... lone pfundo la u fhedza, huno zwenezwo na vha no dzula no lugela u itela Ngwana u vula one mapfundo.

⁷¹ Huno, elelwani, one mapfundo ndi tshithu tsho dzumbamaho. Yone Bugu yo pfunelwa huno yo vha i nga murahu, yo vha i na mapfundo a sumbe e a vha a songo dzumbululwa kha Bugu. Hezwi zwithu a zwi vhuyi zwa ñwaliwa kha Bivhili. Fhedzi, arali muňwe muthu a tshi do fha ñhalutshedzo yazwo, zwi do teya u vhambedzana na Bivhili yođhe. Huno, oo, ndi na

vhuțanzi ni khou ya u wana phaṭhutshedzo khazwo, kana ndi humbula uri ni ḍo ralo. Ndi khou themba uri ni ḍo ralo.

⁷² Ndo tou vha na badzhi yanga a si kale u ḍa fhasi hafha matsheloni ano, ngauri ho vha... Ndo vha ndo dzula heneffo, ndi tshi vhala, huno wone Muya Mukhethwa wo vha wo tou dala kha nne huno nga nga vhudi Hawe. Huno nne... Musi ndi tshi vhona hezwo, nda elekanya, “Oo, arali ndi tshi nga tou zwi amba fhasi heneffo nga ndila ine Wa khou mpha ngayo hafha, roṭhe ro vha ri tshi ḍo vha na tshifhinga tshavhudī.” Fhedzi, nga iñwe ndila, musi ni tshi ima phanda ha vhatihu, zwenezwo a ni tsha di pfa nga ndila ine na ralo musi ni noṭhe kha lufhera lwa thabelo, kana tshiñwe tshithu-vho.

⁷³ Fhedzi, zwino, u thoma murahu kha ndimana dza u thoma, ri wanulusa... Zwino, u tikedza zwe ra siya Swondaha yo fhiraho, ri wanulusa uri hafha Paulo, nga hangei kha Vhaefesa 1:13 na 14, o ri vhudza uri... ri na muthetshelo wa u tshidzwa hashu, muthetshelo wa ndamulelo yashu. Ngauri ndi Muya Mukhethwa une wa vha muthetshelo wa ndamulelo yashu. Huno hezwi... Dzone vhege dzi tevhelaho dza u funza dzothe dzi do vha dzo ditika nga ndamulelo, ni a vhona, kha ndamulelo, hu si kha u itwa o lugaho. Hai... Zwo ditika nga ndamulelo; hu si kha yone—yone ofisi ya vhupfumedzanyi ha u rabelela, fhedzi kha *ndamulelo*. Oo, lone ifa le la vha lo xedziwa kana u dzhielwa huno lo rengululwa murahu kha riñe hafhu, huno nga ndila ine zwa do da na nga ndila ine Mudzimu o zwi pulana phanda ha musi shango li sa athu vha hone, huno na uri Tshivhidzo tsho gimiwa hani.

⁷⁴ Ndi humbula uri zwe ḍa kha tshifhinga tshine musi ri tshi teya u divha nga ndila ine ra ima. Naa ni nga ita hani tshiñwe tshithu nga nnqa hā musi ni na lutendo kha zwine na khou ita? Ni teya u vha na lutendo. Huno ndi yone ndivho yanga ya u ita hezwi na tshivhidzo hafha, ndi u neya vhone vhatendi lutendo na fulufhelo kha zwine vha khou imela zwone, ngauri ndi Ipfi la Murena. Zwenezwo tenda fhedzi nga kha Luñwalo zwi tshi vhewa lu sa hanedzei u bva kha Genesi u ya kha Nzumbululo, murahu na phanda, huno na n̄ha na fhasi, hu si ndila ya diabolo u dzhena heneffo huñwe, zwenezwo ni na fulufhelo lo khwaṭhaho, ni a vhona, ni a divha he na ima hone.

⁷⁵ Tshithu tshithihi tshi ḍo ralo na khaladzi ashu hafha ane a vha kha tshidulomulinga, kana khamusi vhañwe vhane vha khou lwala na u thuphea. Arali ni nga vha na u pfesesa ho khunyelelaho uri “ndi zwine a zwi funa u ni fhodza,” a hu na vhodiabolo who edanaho kha shango u ni dzudza ni tshi khou lwala. Ni a vhona? Ndi zwone, musi ni tshi pfesesa uri ndi u funa ha Mudzimu u ni fhodza, uri O ni itela zwone, huno ni a pfesesa zwenezwo nga ndila ine na teya u ita zwiñwe zwithu.

⁷⁶ Zwi fana na hezwi. Arali ndo ni vhudza nga mbilu yanga yothe... Arali no vha ni na ndala nahone ni tshi khou to sika u ya lufuni, nahone no vha ni na fulufhelo lo fhelelaho kha nne sa muthu wa ngoho, huno nda ni vhudza he ha vha hu na dolara ya zwigidi hone, uri ni do i wana hani, ni shumise ndila ifhio, ni teya u ya gai kokotolo, huno ni pfectesa kokotolo hune tshelede ya vha hone. Ni a vhona? Zwenezwo naa ni nga thoma u takala zwenezwo, u tou fana na musi ni na tshelede, arali ni tshi ntenda.

⁷⁷ Ngauralo, ni a vhona, phanda ha musi ni tshi vhuya na wana... u pfa inwe phambano kana tshinwe tshithu-vho, ni nga tou takalela phodzo yanu kha uri ni "nayo," ngauri ni na vhutanzi ho fhelelaho uri ni nayo, ngauri ni na fulufhelo kha Uyo we a fulufhedzisa kha inwi. Ni a vhona? Ni a vhona? Lanu—lanu fulufhelo ndi uri A nga si zwifhe, huno O ni vhudza kokotolo hune yo dzula hone, huno zwenezwo inwi—inwi ni na fulufhelo uri ni khou ya, no no zwi wana kale, ngauri holwo ndi lutendo lwanu lune lwa vha muthetshelo wa ndamulelo yanu.

⁷⁸ Nga manwe maipfi ni khou lingedza u lamulelwa kha vhulwadze, huno lutendo lwanu ndi itsho tshithu tsha izwo zwo fhatutshedzwaho... kana, kha ndi ralo, ndi muthetshelo wa phodzo yanu. Tenda fhedzi tshinwe tshithu tsha ri mbiluni yanu, "Ndi nne ene Murena aye a ni fhodza," hezwo zwi tou vha zwavhuqi, ndi zwenezwo zwine na toda. Ndi... Oo, ni nga tou thoma u takala, hu si na ndavha zwine zwa iteya. Arali ni sa zwi wani, arali na nana, ni kha divha no takala sa zwe na vha zwone, no fhola tshothe, ngauri ni na uvho vhutanzi ha uri two fhela. Naa ndi vhanganha vhane vha pfectesa izwo zwino, kha ri vhone zwanda zwanu. Khezwo-ha. "Ndi vhutanzi ha zwithu zwi sa vhonali."

⁷⁹ Zwino, ri wanulusa zwenezwo uri kha hohu u thoma ha ndima, uri ri wana uri yone ya vhu... ya vhu5 ndima i tama tshivhofhi, ndi—ndi tshone—tshone ndi tshihuka tsha daimondo tshine tsha tuma tshipida tsha u fhedza tsha tshikhathu tsha Tshivhidzo, tsha ndima ya vhu3. Yone ndima ya vhu4 i amba nga ha Yohane musi a tshi takulelwa Taqulu. Huno yone ndima ya vhu5 i khou lugisela hezwi... He na fhira nga kha Zwikhathi zwa Sumbe zwa Tshivhidzo, zwenezwo Yohane a takulelwa ntsha kha ndima ya vhu4. Huno ndima ya vhu5, u khou to lugisa vhupo hafha u itela u vuliwa ha Mapfundo a Sumbe. U tou fana na zwe a ita kha ndima ya u vhu1 ya Nzumbululo, u vula ndila kha Zwikhathi zwa Sumbe zwa Tshivhidzo (heneffo U ya ima kha zwiomambone zwa musuku zwa sumbe, huno O vha a tshi vhonala sa tombo Jasipa na Saradisi), huno U khou lugisela izwo Zwikhathi zwa Sumbe zwa Tshivhidzo.

⁸⁰ Zwino U khou lugisela u vuliwa ha ayo Mapfundo a Sumbe a ndamulelo. Ni a vhona, ndi zwine ndima ya vhu5 ya vha. Ndi tshone tshivhangi ndi tshi nga i vhala huno nda tou i dzhiya u bva heneffo, huno nda amba nga hayo huno nda neya zwinwe

zwipiða zwa Luñwalo; ndi ngauri a si nga ndimana nga ndimana, tshiñwe tshithu tshire tsha khou iteya, ndi u lugisela tshiñwe tshithu u iteya. Huno arali na wana u lugisela, zwenezwo no tou...no zwi lugela zwenezwo. Huno ndi nga ndila ine zwa vha ngayo nga lutendo kana tshiñwe tshithu. Zwino, hezwi, one mapfundo...

⁸¹ Ndi na mañwe Mañwalo na maredzwa na zwiñwe zwe nwaliwa phasi hafha. Zwino, kha Vhaefesa 1:13-14, ri...arali ni tshi ṭoda u i ñwala phasi, uri, “Ri na muthetshelo zwino. Wone Muya Mukhethwa ndi muthetshelo wa ifa ḥashu.” Nga mañwe maipfi, ndi hone vhutanzi, wone *muthetshelo* ndi “vhuṭanzi,” yone “badelo-thangeli,” uri ro ṭanganedzwa kha Kristo. Ndi fulufhelo lo fhaṭutshedzwaho na vhutanzi ha uri ri na Vhutshilo Vhu Sa Fheli nahone ri vhaṭaifa vha tshiñwe na tshiñwe tshe A tshi rengululela riñe. Yawee, nñe! Naa ni a zwi vhona?

⁸² Oo, musi ro pfunelwa nga Muya Mukhethwa (Ndi dzulela u lu redza ngauri a thi ṭodi ni tshi pfukwa ngalwo), ndi pfundo la Mudzimu ḥa u ṭanganedza uri tshiñwe na tshiñwe tshe Kristo a fela tsho no vha tshashu. Ndi Mudzimu a tshi ri, “Ndo ni ṭanganedza zwino, huno ndi do ni fha heļo Pfundo line na khou lindela itsho tshifhinga,” kha ndamulelo yashu yo fhelelaho, huno hezwo ndi uri ro no rengululwa lwa tshipiða.

⁸³ Vhunga ndo amba iñwe Swondaha, ndi a tenda ndi yone, phasi *hafha* kha hoyu mutalo wa phasi ndi hune muitazwivhi a dzula: tshika, u tswukala, vhuyada, matope. Zwino, u...vha nga di vha vho kuna...vha tshi ṭamba awara nña dziñwe na dziñwe, vha nga di ambara zwiambaro zwa khwine, vha nga di vha vha zwikola zwe pholishiwaho; huno vho tshikafhala na u tswuka sa mbondo dza heleni, kha mimuya yavho. Ni a vhona?

⁸⁴ Zwino, ene Mukriste u tshimbila n̄tha ha hezwo, ngauri u na muthetshelo wa vhuṭaifa hashu n̄tha *hafha*. O no topolwa, u takulelwa n̄tha u bva kha ayo matope na tshika; n̄tha *hafha*, huno u tshimbila nga n̄tha hazwo. Oo, ndi a funa hezwo! Vhunga Paul Radar o amba hetshila tshifhinga kha danda, ni a ḥivha, a ri, “Ndi khou li gidimisa! Ndi khou li gidimisa!” Ndi hune zwa vha hone zwino:

Ndinda-khombo yo fhaṭutshedzwaho, Yesu ndi
wanga!

Oo, u thetshela huṭuku (ndo tendelwa u sura
kha Tshisima) ha Vhugala Vhukhethwa!
Ndo no vha muṭaifa wa tshidzo, ndo
rengululwa nga Mudzimu,
Ndo bebiwa nga Muya Wawe nahone ndo
tanziwa nga Malofha Awe.

A zwi mangadzi heyi i nganeya yanga, holwu
 ndi luimbo lwanga,
 Ri tshi imba the- . . . imba thendo Dzawe ḫuvha
 lothe.

⁸⁵ Ni a vhona, u takulelwa n̄ha ha mirunzi, nn̄da ha matope, u thetshela! Ri na u thetshela zwino ha ifa ḥashu lothe, ngauri Mudzimu o no kokodza u bva fhasi midzi u bva zwithu zwa shango huno o ri ḥavha kha mavu a n̄ha; a ntakulela n̄ha, a nyitulula, a ntshandukisa kha zwithu zwa shango; a bvisa midzi, matavhi, tshiñwe na tshiñwe, huno a takulela n̄ha, u bva kha thophe, u bva kha tshika ya kale ya tshivhi; huno a n̄ṭavha nga n̄ha ha Tshikwara tsha Zioni, u dzula kha bulasi ya vhabuñwa, Vhakhethwa vha Mudzimu. Huno zwino ri vhadzulapo vha uyo Muvhuso, vhakomana na dzikhalađzi kha Kristo Yesu, tshika yothe na u ḥanganana na vhudifari ho bvaho ho ṭuwa kha mihibumbulo yashu. Ashu madi . . . mivhili yashu yo ḥanzwiwa nga madi o kunaho huno mbilu dzashu dzo shashiwa nga Malofha a Murena Yesu, huno wone Muya Mukhethwa u dzula muya u vhudzulaho Wawo nga kha matavhi ashu ḫuvha lothe, u tshi ri sumbedza na u ri sukumeda na u ri ita uri ri ḥokr midzi huno ri tse fhasi vhukuma. Naa izwo a si zwavhuđi? “Wone muthetshelo wa tshidzo yashu.”

⁸⁶ Ifa ḥashu lo xelaho, heyi ndima i ya dzumbulula. Ifa ḥashu lo xelaho lo vhuyedzedzwa nga wavhuđi, a funeaho Mulamuleli wa Lushakani. Nga ndila ye Mudzimu a tsa fhasi a vha . . . a shandukisa tshirunzi Tshawe u bva kha Mudzimu huno a itwa muthu, uri a kone u vha muthu, u vha muthu a re Murengululi wa Lushakani, u rengulula murahu shango la mupo kha vhatu vha mupo. Amen! Nga ndila ye Mudzimu (ene wa N̄ha ha mupo) a vha wa mupo uri a vhe wa Lushakani, ngauri O vha a nga si pfuke milayo Yawe Ene muñe. O do teya u da nga re- . . . vhurengululi ha lushakani ngauri ndi nga ndila ye A . . . ndi yone pulane Yawe. Ndi nga ndila ye A ita.

⁸⁷ Mudzimu a tshi divha uri uyo muthu u do wa, naho zwo ralo O vha a nga si ite uri muthu awe. Mudzimu a tshi divha uri muthu u do xela, naho O vha a sa ḥodi muñwe muthu a tshi xela. Fhedzi u itela uri u vhonadzwa huhulwane ha zwitaluli zwa Mudzimu zwi kone u bviselwa khagala kha vhatu vhothe, uri A kone u vha Murengululi, A nga vha ene Mutshidzi, muthu o do teya u wa. Zwo vha zwi khae u wa, zwenezwo zwo vha zwi kha Mudzimu u mu rengulula hafhu. Ndi yone re- . . . ri teya uvha na tshifhinga tsha madekwana, u ita masiari. Ri teya u vha na vhulwadze, uri ri difhelwe nga mutakalo. Tshiñwe na tshiñwe, zwivhuya na zwivhi. Zwino, huno ene Murengululi washu wa Lushakani . . .

⁸⁸ Zwino, ndi khou ḥoda inwi ni tshi dzhiela nzhele hafha. Ndi khou lavhelesa fhasi kha heyi ndima ya vhuđ, musi a tshi i lavhelesa, “Ni songo ofha!” Kha heyi ndima ya vhuđ, “Ni songo

ofha!” Ni a vhona, hu dzulela u vha... A ni Ძodi u ofha nga tshiñwe tshithu.

*...muñwe wa magota a ri kha nne, U songo lila:
vhonani, yone Ndau ya lushaka lwa Yuda, wone Mudzi
wa Davita, o kunda u vula yone bugu, na u pfuñulula
mapfundo zwenezwo-ha.*

*...huno, vhonani, vhonani, hone ha...vhonani,
vhukati ha khuluñoni huno...zwivhumbwa zwiña,...
vhukati ha magota, ho ima Ngwana...*

⁸⁹ “Yone Ngwana.” Ndi ngani a songo vhona Ngwana murahu? Yone Ngwana yo vha yo dzula kha Khuluñoni ya Khotsi, nga ngomu ha—ha vhalindi. Yohane o vha a sa koni u vhona ngomu heneffo, o tou vhona fhedzi izwo zwa Ძoho nña... kana izwo zwivhumbwa zwiña two ima heneffo, kana avho Vhakerube vhañā vho ima heneffo vha tshi linda Fhethu Hukhethwa. Huno ro vha nazwo Swondaha yo fhiraho, na nga hangei kha dziñwe ngudo, uri o vhona hezwo fhedzi ha ngo kona u vhona zwe zwa vha zwi seli ha hezwo. Huno heneffo, nga khathihi fhedzi, heneffo ha vhonala... lwa tshiphiri, nga u Ძavhanya, ho vha hu na Muñwe, yone Ngwana.

⁹⁰ Zwino, u sumbedza uri ho vha hu si tshipuka tsha mupo, Ngwana, ngauri yo dzhiya yone Bugu kha tshanda tsha u la Tshawe we a dzula kha Khuluñoni; yone ngwana yo vha i nga si kone u ita hezwo, ni a vhona. O vha—O vha—O vha a Ngwana, o vha a Kristo. Nga manwe maipfi, kha zwiñaluli Zwawe O vha o luga na vhulenda sa ngwana.

⁹¹ Zwino, dzhielani nzhele, ho vha hu Ngwana ya Mulamuleli, yone Ngwana Mulamuleli u tou fana na u thoma. Mudzimu a nga si vhuye a shanduka! Amen! Ene mulamuleli wa u thoma o vha a ngwana, ngei ngadeni ya Edeni, ho vha hu gwana ye Mudzimu a ñekedza. Huno hafha khezwi hafhu, nga hafha kha Nzumbululo, ndi Ngwana hafhu. U rengulla mini? Yone nyimele yo waho na lone ifa lo xelaho la lushaka lwa vhathu vho waho. Yone Ngwana i ya da murahu u rengulula, u fana na hashu ho vha ngei u rangani, u ri rengulula.

⁹² U rengulula mini? Ndi mini zwine A khou ya u ri rengulula khazwo? U kwasha... u zwi ñisa... Tshiñwe na tshiñwe tsho rengululwaho ndi tshiñwe tshithu tshe tsha vha tsho xela. Ndi tshiñwe tshithu tshe tsha vha thso xela zwenezwo tsho vhuiswa murahu hafhu. Naa ndi mini zwine A zwi vhuisa murahu kha riñe, heyi Ngwana? Tshiñwe na tshiñwe tshe ra vha natsho u rangani.

⁹³ Naa ndi mini tshe ra vha natsho u rangani? Vhutshilo Vhu Sa Pheli. Ro vha ri vha laifa vha shango. Ro vha ri na Vhutshilo, a ro ngo vhuya ra teya u fa. A ri ngo teya u lwla. A ri ngo teya u vhuya ra aluwa. A ri ngo vhuya ra vha na dziñwe mbilalelo. Ho vha hu si na mbulungo, hu si na mavhida, hu si na vhuvhi, hu

si na lufu, hu si na mmvi, hu si na mahada o hovhamaho, hu si na u vha maliloni, hu si na u tswimila. Ro vha ri na Vhutshilo, Vhutshilo Vhu Sa Fheli! Ro vha ri na ndango kha lifhasi lothe. Ro vha ri tshi tou vha mudzimu (ndi zwenezwo) kha lifhasi; ro tshimbila, huno arali hoyu muri wo vha u sa vhonali wo imisa zwone heneffo, ro vha ri tshi do ri, “Iwe tupuwa huno u dzule nga hafha,” huno u do zwi ita. Yone mimuya yo vha i tshi khou vhudzula, ro vha ri sa ḥodi mimuya i tshi vhudzula, “Mulalo, dzikani,” huno zwa ralo. Naa O da u itani? U lamulela zwothe murahu kha riñe hafhu (Oo, oo, oo, oo, oo, nne nne!), wanani hezwo murahu hafhu.

⁹⁴ Huno zwino mupo kha wone uñe u khou gungula, u tshi lindela mini? U vhonadzwa ha vharwa vha Mudzimu, uri vharwa vha Mudzimu vha vhonadzwe.

⁹⁵ Huno ri na muthetshelo wa u tshidzwa hashu zwino, huno nga dzhiya mukomana washu ane a khou fa nga pfuko, huno ra ima na uyo mufemo muṭuku wa ndamulelo, huno ra rabela thabelo ya lutendo khae ine ya do shandukisa murunzi wa muthu murahu kha muthu a re na mutakalo hafhu; naa ri do ita mini musi ndaka yashu yo fhelelaho i tshi da? Amen!

⁹⁶ Mupo u ya ḫivha hezwo. Mupo u khou gungula nahone ri khou gungula náwo. Mupo u khou lindela u vhonala ha vharwa vha Mudzimu, ngauri mupo wo semiwa na muñe wawo. Musi muñe wawo a tshi semiwa (tsha n̄thesa), zwenewo mupo wa wa na muñe. Fhedzi musi hoyu Mulamuleli wa Lushakani a tshi da (Haleluya!) huno a rengulula murahu muthu ane a vha muñe kha mupo. Zwenezwo mupo wothe u khou lindela muthu, muñe.

⁹⁷ Naa ri ita mini? U dzhiya mbado ra i khethekanya zwandani zwashu huno ra remela muri fhasi arali ri tshi ḥoda; fhedzi ilo duvha a ri nga iti izwo. Amen!

⁹⁸ Mupo wothe wo lindela ene mune wawo. Huno mune ndi vharwa vha Mudzimu vhe vha fhiwa heli lifhasi. Zwino, Mudzimu u do vha na maṭadulu Awe, a hu na zwiñwe, fhedzi hezwi zwo fhiwa muthu. Huno ene Murengululi wa Lushakani o da u rengulula riñe murahu kha hezwo zwe ra xedza. Zwo naka hani! Nne! Ndi tou humbula uri... “Yone Ngwana Murengululi.”

⁹⁹ Musi mushumo wo fhela, ri vha na zwithu zwothe hafhu. Lushaka-de lwa zwithu zwothe? Ri na maanda othe. Ri na Vhutshilo Vhu Sa Fheli. Ri na mutakalo wa U Ya Nga Hu Sa Fheli. Ri na vhuswa ha U Ya Nga Hu Sa Fheli. Ri na maanda a U Ya Nga Hu Sa Fheli. Oo, ri tou vha vha U Ya Nga Hu Sa Fheli kha U Ya Nga Hu Sa Fheli! Huno, zwenezwo, ro lindela uri hetsho tshifhinga tshi swike, ro lindela na u gungula, ro lindela.

¹⁰⁰ Huno heyi Bugu ya kasumbe ya pulane dza sumbe dza ndamulelo yo disiwa kha riñe, huno ndi zwine heyi Bugu ya fara. Zwino, ri khou ya u dzhenā kha ndima ya vhu10 hune hoyu wa

maanda Muruňwa a bulu tshiňwe tshithu...huno O vha a na Bugu ye Yohane o do teya u i la. Huno musi a tshi ralo, ya dzhena thumbuni yawe nahone yo vha i tshi vhavha, fhedzi mulomoni wawe yo vha i tshi difha.

¹⁰¹ Musi ni tshi teya u vha na tsukanyo Yayo, zwenezwo i ya vhavha, muňwe na muňwe u lwa na inwi, muňwe na muňwe a tshi ni vhudza “Ni muvhumbuluwi mukhethwa, ni *hezwi, zwila*, kana tshone *tshiňwe*.” Ni a vhona? “No—no—no litshedza tshithihi thavhani.” Ngauralo zwi a kond'a u i sukanya; fhedzi musi ni tshi khou ḥanziela nga Vhugala Hawe, I ya ḫivha mulomoni waňu. Ndi zwenezwo fhedzi. Ni a vhona? Huno musi ni tshi ima muňganonni, ni ri, “Vhugala kha Mudzimu! Halle...” Oo, musi ni tshi khou fhira nga kha uho u govhelwa huhulu, zwi a kond'a; fhedzi musi no bva kha uho u govhelwa huhulu ni nga zwi ḥanziela, zwenzwo zwi a ḫivha kha mulomo. Ni a vhona? Ndi zwone. Ndi heyi Bugu ya ndamulelo.

¹⁰² Zwino, zwino, ri khou ḥoda u pfa huňwe u ḫalutshedzwa kha ndima ya vhu⁵ hafha, huno zwenezwo ri do thoma hafhu kha... u wana yashu ndimana ya vhu⁶ huno ra thoma. Zwino, ndi ḥoda inwi ni tshi dzhiela nzhele kha pułane ya thengululo ndila ye Mudzimu a i sumbedza, O i shuma lwo fhelelaho kha Ruće na Boasi. Ndi... Ndi heneffo he ra guma hone Swondaha yo fhiraho. Zwino, ndi khou ḥoda u thoma heneffo zwino, ḥamus, kha Ruće na Boasi.

¹⁰³ Zwino, hu na maimo mana, kana, mafhande mana kha Ruće na Boasi. A u thoma ndi Ruće a tshi dzhiya *tsheo*. Ndi vhangana vho no vhuyaho vha pfa yone...nne ndi tshi rera mulaedza? Kha ri vhone zwanda zwanu. Ndi a ḫivha... Zwo luga, vho inwi nothe, ndi a humbulela. Ndo vha nazwo hafha, huno ndo vha nazwo kha dzitheiphi na zwinwe-vho. Ruće, tsha u thoma, o do tea u dzhia *tsheo* ya uri o vha a tshi khou yo dzhena ngomu shangoni lino, kana hai, e na Naomi. O do tea u dzhia *tsheo*. Zwenezwo nga murahu ha musi o no swika heneffo, tshithu tshi tevhelaho tshe a do tea u ita ho vha u *shuma tsimuni* ya Boasi; nnđa heneffo, nga milenzhe, a ḥala murahu ha vhakan, a tshi shuma. Huno zwenezwo nga murahu ha musi o no wana tshilidzi maćoni a Boasi, zwenezwo o do tea u *lindela* u swika Boasi a tshi ita vhurengululi ha lushakan, u dzhia zwothe zwo xelaho zwa Naomi uri a kone u qissa Ruthe, Mumoaba. Huno zwenezwo tshipida tshi tevhelaho, ndi—ndi Ruće o *pfufhiwaho*.

Zwino, lavhelesani. Ruće, u khou dzhiya *tsheo*, lwo khunyelelaho... .

¹⁰⁴ Oo, nnyi na nnyi u ri “iyo Bivhili a yo ngo ḥuṭuwedzwa,” hu na tshiňwe tshithu tsho khakheaho khavho. Ipfi liňwe na liňwe Layo lo ḥuṭuwedzwa, Ipfi liňwe na liňwe layo lo ḥuṭuwedzwa, Ipfi liňwe na liňwe layo li a ḥumana lothe kha—kha—kha mutevhe. Li tou ḥumekana lwo khunyelelaho u fana na mutshini kha malinga

mahulwane a tshi khona, u tou reiwa kha milioni dza muthethe, u tou vha kokotolo.

¹⁰⁵ Zwino, dzhielani nzhele kha hezwi zwino, Ruče, u khou dzhiya *tsheo*, o đo tea u dzhia tsheo ya uri kana o vha a tshi khou yo dzhia tsheo ya u ya henengei kana hai. O đo tea u dzhia tsheo. Zwino, iyo ndi ndila ine mutendi muñwe na muñwe a tea u ita. Ni tea u đutshela mikhuvha yanu ya kale, ni tea u đutshela vhutshilo hanu ha kale, ni tea u đutshela zwithu zwa kale—zwa kale zwa shango.

¹⁰⁶ Mukomana Roy, naa Khaladzi Roberson u ya lwala? Oo, ndo tou elekanya uri khamusi o vha a tshi khou lwala kana tshiñwe tshithu. Ndo vha ndi tshi đo ri mu điseni ngeno ntha arali o vha o no thoma u lwala kana tshiñwe tshithu.

¹⁰⁷ Who đo tea u sia mikhuvha ya kale ya vhutshilo, kana tshiñwe tshithu tsho raloho, huno—huno na pfukela nga hangei shangoni liswa, ni na vhathu vhaswa vhe na kathihi na sa vha đivhe u rangani. Naa izwo ndi zwe na ita, ni vha Mukriste? No đutshela lufhera lwa u betsha, no đutshela kilabu dza vhusiku. No đo tea u đa kha tshigwada tsha vhatnu vhe vha vhonala vha tshi nga vha na misipha yo onyanaho, vha tetemela na u dzinginyea na u lila, huno vha dzungudza đohoh dzavho nahone vha thamutshela ntha na fhasi, huno, mulandu—mulandu, ho vha hu—ho vha hu tshi—tshi—“tshigwada tshi pengaho” kha inwi. Ngauralo no đo tea u dzhia tsheo ya uri ni đo ya kana hai. Izwo ndi zwone. Huno no zwi đivha uri musi no ita, vhatnu vhanu who vha vha tshi khou ya u ni nyefula, avho vhe na vha no sia. Naa izwo ndi zwone? Hezwo zwi tou iteya nga zwone zwiñ. Inwi ni tou... vha tea u lavhelela izwo tsha u tou thoma, ngauri iyo ndi ndila ine zwa vha ngayo.

¹⁰⁸ Zwino, Ruče o vha e na zwenezwo zwithihi. Naa Vhamoaba who vha vha tshi đo ri mini khae musi a tshi pfukela seli u ya kha Israele, kha tshigwada tsha vha vhusweleli ho kalulaho? Ni a vhana, o đo tea u dzhia tsheo. O đo tea u dzhia tsheo. Huno ni tea u dzhia tsheo. Huno, mafhedziselonni, musi a tshi dzhia tsheo yawe, a ya kha—kha shango liswa.

¹⁰⁹ Zwino, izwo ndi u itwa who lugaho. Naa izwo ndi zwone? Zwino, sedzani itsi Tshivhidzo. Oo, tsho fhelela.

¹¹⁰ Ni a đivha uri ri... Ndi vhangana vha vhoiwi vhe vha pfa *Mbeu ya Abrahamu* musi ndi tshi rera nga izwo? Uri u *itwa o lugaho* zwi da hani, u *itwa mukhethwa*, ndovhedzo ya Muya Mukhethwa. Zwino, ni vhone arali izwi zwi zwone kana hai.

¹¹¹ Ruče, a tshi dzhia *tsheo* yawe, tshifanyiso tsha Tshivhidzo, Tshivhidzo tsha Vhannda. O dzhia tsheo, huno a pfukela nga hangei shangoni. Zwino, zwifhinga zwinzhi, riñe Vhamethodisi na Vhabaphuthisi, ri elekanya uri ndi zwenezwo fhedzi zwine na tea u ita. O vha a tshi kha đi tou bva u thoma! O vha a sa athu ya kule, o vha a kha đi pfa u dzhena kha shango.

¹¹² Zwino, tshithu tshi tevhelaho tshe a ḋo tea u ita, o ḋo tea u *shuma*. O vha wa mulayo. O ḋo tea u “shuma tshidzo yawe nga nyofho na u tetemela” vhunga no ita. A ya nn̄da ngomu tsimuni huno a ambara zwiambaro zwawe khae, huno a ya tsimuni a ṭala murahu ha vhakan̄i uri a kone u wana zwiliwa zwe ḋanahao zwa ḋuvha. Naa izwo ndi zwone? Naa o vha a tshi khou ita mini? O vha a thsi khou lingedza u wana u takalelwa nga Boasi. Ngauralo a shuma ndila yawe u kha tshipiḍa tsha maitele.

¹¹³ Huno izwo ndi zwone kokotolo zwe Tshivhidzo tsha ita. Vhone Vhaluṭere vho Li tenda nga lutendo huno vha ḋa shangoni. Fhedzi vha M̄ethodisi vho funza khethefhadzo, zwe zwa vha zwi vhuimo ha mulayo Halo, ni a vhona, “Ni tea u ita tshiñwe tshithu.” “Ndi tea u litsha! Ndi tea u litsha mavhudzi anga a aluwa,” o ralo musadzi. A hu na zwiñwe, a vha tsha zwi ita; fhedzi vho—vho zwi ita, vha litsha mavhudzi avho a aluwa. Vho ḋo tea u litsha u ambara dzipennde zwifhaṭuwoni zwavho. A vho ngo ambara zwikete zwavho—zwavho nga ndila yo khakheaho na—na, kana, zwipfufhi vhunga vhañwe vho ita. Vho ḋo tea u ita tshiñwe tshithu. Ni a vhona? Izwo ndi zwe a ita, tshiimo tsha u itwa vho lugaho, tshiimo tsha khethefhadziwa.

¹¹⁴ Zwino, musi mafhedziselonni a tshi takalelwa nga Boasi, ho bvelelani? Zwenezwo Naomi a mu vhudza, “Inwi *lindelani* hafha musi Boasi a tshi ita mushumo wa murengululi wa lushakani, ngauri ndi ene fhedzi ane a nga zwi ita. Ndi ene murengululi washu wa lushakani a tevhelaho, huno inwi ni tou lindela hafha. Ni songo tsha ya masimuni na luthihi. Ni songo ita *itshi*, *itsho*, kana *tshiñwe*. Inwi itonu lindela u swika vhurengululi ha lushakani ho no khunyelela.” Huno a *awela*. Amen!

¹¹⁵ Izwo ndi zwone kokotolo zwe Tshivhidzo tsha ḋa kha itshi tshipiḍa tsha u fhedzisa tsha Pentekoste. Ni a vhona? U rangani ha Pentekoste vho the vho shuma huno vha “tea u ita *hezwi*,” huno vha vha dzinginyisa na zwiñwe zwe the. Zwino Tshivhidzo tshi khou ita mini? Tshivhidzo tsha vhukuma tshi khou tou *awela*. Vhuawelo ndi mini? Khezwi afha, *Vhuawelo* ndi “Muya Mukhethwa,” ḋuvha la *savhatha*. (Vhaadvertisithi vha ḋuvha la Vhusumbe vha ṭoda u ri vhudza, ni a ḋivha, nga ha u vha savhatha ya ḋuvha la vhusumbe kana tshiñwe tshithu tshi ngaho itsho.) Kha Vhaheberu ndima ya vhu4, ho pfi, “Riñe vhe ra dzhena kha *Vhuawelo* Hawe ro guma kha mishumo yashu vhunga Mudzimu o ita kha Yawe.” Ngauralo *savhatha* ndi Muya Mukhethwa.

¹¹⁶ Huno musi Ruṭe o vha a tshi khou *awela*, ho vha hu tshifanyiso tsha Tshivhidzo tshi tshi khou awela kha pfulufhedziso dla Mudzimu! Ri na muthetshelo zwino wa u tshidzwa hashu. A ri vhilaeli uri ri khou ya hangei kana hai, ri khou ya! Izwo ndi zwone. Mudzimu o amba nga u ralo! Mudzimu o zwi fulufhedzisa nahone ri na muthetshelo (Amen.), ho no ṭanganedzwaho, Kristo o ri ṭanganedza. A hu na ndila ya u Li

ṭutshela zwino, ri heneffo! Amen! Zwothe zwine ra tea u ita ndi u tou lindela u swika... U dzhia... Ü fhasi a tshi khou ita Vhurengululi ha Lushakani. Ri na muthetshelo wazwo zwino, ro lindela tshifhinga tshire A vhuya murahu.

Huno zwenezwo tshithu tshi tevhelaho tshe Ruṭe a vha e tshone, Ruṭe o vha e kha u *pfufhiwa*.

¹¹⁷ Izwo ndi zwe Tshividzo tsha ita. Tsho dzhena kha u itwa vho lugaho, fhasi ha Luther. Tsho dzhena kha u itwa mukhethwa, fhasi ha Wesley. Tsha ya kha ndovhedzo ya Muya Mukhethwa, kha ano maduvha a u fhedza. Huno zwino ro *awela* na muthetshelo wa ifa ḥashu uri ri a divha uri tshirwe tshithu tsho iteya kha riñe, ro bva lufuni ra ya Vhutshiloni, huno ro lindela, ri tshi khou gomela na mupo, ngauri nga itsho tshifhinga musi ri tshi do tanganedza Vhutshilo vhu sa fi, vhuḍalo vhu sa fi; mivhili yashu i do rengululwa. Tshirwe na tshirwe tsho rengululwa, huno ro tou lindela Ene u vhuya murahu u bva khoroni. Amen!

¹¹⁸ Zwenewo mini? Ruṭe o *pfufhiwa*. Ndi musi ri tshi do pfufhiwa. Izwo ndi zwine iyi Bugu ya mapfundo a sumbe ya khou yo ri vulela zwone. Naa izwi zwithu ndi mini? Ndi zwiphiri. A vho ngo ḥwalwa kha Ipfi, vha tea u dzumbululwa nga Muya Mukhethwa; fhedzi arali ni tshi do dzhiela nzhele, zwa vhukuma, a ya dzumbululwa fhasi hoṭhe nga kha Mañwalo fhedzi o vha o dzumbelwa vhathu. Musi ri tshi ya kha tshikurolo nga murahu ha tshifhinganyana, ni do vhona uri yo dzudzanywa hani, zwenezwo ni do divha uri izwo zwithu zwo vulea hani.

¹¹⁹ Zwino, ee, u *awela*. Zwine Ruṭe fhasi ha u itwa vho lugaho... Naa ni a zwi vhona, i ri ni “Amen.” [Tshividzo tshi ri, “Amen!”—Mudz.] Ruṭe fhasi ha u itwa mukhethwa, a tshi *shuma*, a tshi tevhedza mulayo. Ruṭe, o *awela*, o lindela uri Boasi a vhuye a tshi bva kha mushumo wo fhelaho.

¹²⁰ Zwino, Boasi washu o fhedza mushumo ngei Khalivari. Fhedzi phanda ha musi A tshi da uri isa Hayani Hawe, U ya Hayani u thoma (kha Yohane 14) ü ri lugisela fhethu. Vhugala!

*Mbilu dzanu dzi songo dinalea: arali ni tshi tenda kha
Mudzimu, tēndani na kha nñe.*

*Nduni ya Khotsi anga hu na madzulo manzhi: arali
zwo vha zwi songo ralo, ndo vha ndi tshi do vha ndo
ni vhudza. Fhedzi ndi do ya nda ni lugisela fhethu.*

Huno... humelani hafhu, u ni ḥanganedza...

¹²¹ Ni a vhona, Boasi u tsela fhasi, naa o itani? U tsela fhasi, a ima... a dzhia vhahulwane huno a ya phanda ha khoro, a bvula tshienda tshawe, huno a ri, “Kha zwi divhee ḥamusi zwauri ndi rengulula Naomi na ifa ḥawé ḥothé.” O wana Mumoaba natsho.

¹²² Huno musi Yesu a tshi da, naa O da u rengulula nnyi? Isiraele. Naa O itani nga u dzhia Isiraele? O wana Muselwa wa Vhannda.

Ngocho, O ita, musi A tshi dzhia Isiraele. O ya . . . Huno A ya kha Vhawe, O do tea u ralo. Naa ndi mini tshithu tsha u thoma tshe A do tea u ita? U rengulula Vha Ene muñe. Huno Tshivhidzo tsha Vhannda tshi tou vha murathu kha uyo musadzi, tshivhidzo tsha Isiraele. Zwa vhukuma! Ngauralo O do tea u rengulula Isiraele uri a kone u wana *Hezwi*. Huno o do tea u rengulula Naomi uri a kone u wana Ruṭe, muselwa wawe.

¹²³ Zwino, o ita mini? A sa athu mu dzhia . . . Oo, vhugala! Whew! Naa o itani? U a bva a ya bulasini, ndi a humbulela o ola tshiñwe na tshiñwe n̄tha tshoþhe huno a vhea nguvho ntswa fhasi. Oo, a—a nga vha o fhaþa nn̄du ntswa. (Kha tsumbo yashu, ndi Nn̄du ntswa.) Huno a vha na tshiñwe na tshiñwe tsho luga, huno zwenezwo a vhuya murahu na nguvho ya munyanya. Amen!

¹²⁴ Naa Ruṭe o vha a tshi khou itani? A hu na tshithu na tshithihi. U awela! U lindela! A hu tshe na u kakarika, a hu tshe na u ðada!

¹²⁵ “Naa ndi tea u vha Mumethodisi? Naa ndi tea u vha murado wa Baphuthisi? Naa ndi tea u vha Mupuresibetheriene?” Hai, muñe wanga, itonu wana Muya Mukhethwa huno ni awele. [Tshikhala kha theiphi—Mudz.]

Ri khou lavhelesana na u vhuya ha iþo ðuvha la
vhudi la Ñwahagidi, (Vhugala!)
Musi Murena washu o fhaþutshedzwaho a
tshi do ða huno a dzhiya Muselwa Wawe o
lindelaho;
Oo! Lifhasi li khou gomela, li khou lilela iþo
ðuvha la mbofhollowo i takadzaho, (Zwoþhe
zwazwo: mupo u khou gomela, maþari a
muhyu, tshiñwe na tshiñwe tsho lindela iþo
ðuvha la mbofhollowo yo fhaþutshedzwaho.)
Musi Murengululi wa Lushakani a tshi vhuya
huno a dzhia Muselwa Wawe.

¹²⁶ Zwino U khou awela. Fhasi ha u khethefhadzwa? Hai. Fhasi ha u itwa vho lugaho? Hai. Fhedzi fhasi ha zweþhe u itwa vho lugaho, u itwa mukhethwa, na kha Vhuawelo.

¹²⁷ Zwino, Yesaya, ndima ya vhu28 na ndimana ya vhu18, I ri:

 . . . *ndayo i fanela u vha kha ndayo, . . . mutaladzi kha*
mutaladzi, . . . hafha zwiþuku, na afho zwiþuku: faresani
itsho tshi re tshivhuya.

Ngauri nga milomo ya makakamela na dzinwe
nyambo Ndi do amba na avha vhathu.

 . . . Huno uvhu ndi vhuawelo, iyi ndi savhatha . . . izwi
ndi musi Tshivhidzo tshi dzhena u lindela.

¹²⁸ Sedzani uri ri ða hani nga u itwa vho lugaho, khethefhadzo, zwino kha ndovhedzo ya Muya Mukhethwa: u awela, u lindela. Mini? Huno zwino, zwino, musi ri tshi swika kha idzi

nzumbululo ni do vhona zwine zwa vha zwone zwino. Ni a vhona? Nga ndila ine izwo zwa tou... Izwi zwithu a two ngo kona u funzwa u swika nga lino ḋuvha. A two ngo ralo, two vha vha zwi sa koni u funzwa. Zwo vha vha zwi songo vulea kha vharwa vha vhatu. Bivhili yo amba nga u ralo. Ndi nga ni sumbedza hafha kha Luñwalo uri yo ri a i nga vulwi u swika (vharwa vha vhatu), u swika lino ḋuvha. Huno zwino ri khou zwi fhedza kha hezwi zwithu zwi hulu two fhaṭutshedzeyaho. Zwino... Zwo luga.

¹²⁹ Ndimana ya vhu⁶... Kana tshipida tsha ya vhu⁵, muhulwane kha ndimana ya vhu⁵ o vha e kha ngoho musi a tshi ri, "Vhonani, Ngwana!" Fhedzi, musi a tshi sedza u mona hothe, a vhona Ndau. Yo vha i Ndau vhudzuloni ha Ngwana. Fhedzi zwenezwo ho vha hu mini? Mushumo wawe wa vhupfumedzanyi wo vha wo fhela, wa vhupfumedzanyi. O vha... o litsha u vha Mupfumedzanyi magumoni a tshikhathi tsha Tshivhidzo, u vha Ndau ya lushaka lwa Yuda, mushumo Wawe wa vhupfumedzanyi wo vha wo fhela. Huno O vha a tshi khou tea u vha Ndau ye ya vha i Muhaṭuli, zwino, huno A dzhia... musi A tshi dzhiya Bugu tshandani.

¹³⁰ Zwino, elelwani, musi munna o ya u rengulula (Ni songo zwi hangwa, zwino.), musi munna o ya u rengulula, o dzhia vhanna nae huno a ya dzikhoroni dza muđi, vha tshi magota, huno heneffho o—o—o ḋivhadza ndivho yawe ya u vha heneffho. Izwo ndi zwe a ita, o ya khoroni, a ri, "Ndi fhano u di vhila sa murengululi wa lushakani na u dzhia ifa, huno ndi fhano ndi tshi ḋidivhadza phanda ha aya magota a muđi." Ni a vhona?

¹³¹ Huno musi yone... Yohane a tshi lila. Zwino, muňwe, vhunga ndo amba vhege yo fhiraho, vha ri, "Yohane o tswimila ngauri o vha a tshi nga wana uri a hu na muthu o fanelaho." Zwo vha zwi si hezwo. Muthu a re fhasi ha ḫuṭhuwedzo ya Muya Mukhethwa o vha a si nga lileli hezwo. Ndo elekanya uri, "Ngauri o vha a songo fanelwa," khamusi Yohane ene muňe o vha a songo fanelwa. A hu na muthu o fanelaho. Fhedzi ho ngo tswimila nga nthani ha hezwo.

¹³² Ndi a tenda o vha a tshi khou lilela dakalo ngauri o vhona pulane yothe ya thengululo yo ñwalwa kha iyi Bugu hafha. Ho vha hu si ngauri ho vha hu si na muthu o fanelwaho, ngauri, ho vha ho ima Ngwana heneffho yo vha yo fanelwa. Ngauralo o vha a tshi khou lila, heneffho a ri, "Oo, vhugala kha Mudzimu!" Mu thetsheleseni thwii musi a tshi thoma u huwelela. Zwino, fhedzi ri mu wana hafha a tshi khou lila ngauri o vha o takala nga maanda ngauri Ngwana yo dzhia Bugu ngauri yone... kha tshanda tsha Uyo we a dzula kha Khuluñoni.

¹³³ Huno nga u ḫavhanya musi a tshi tou ita... Musi uyu Muruňwa, uyu Muruňwa wa maanda, a vhidzelela "Naa ndi nnyi o fanelwaho?" o vha a tshi khou kunguwedza nga tshenetsho

tshifhinga, o vha a tshi khou kunguwedza u itela Murengululi wa Lushakani. Huno nga u t̄avhanya nga murahu, a ri, “Naa ndi nnyi o fanelaho u dzhia Bugu?” Zwenezwo tshiñwe tshithu. . . Zwenezwo Yohane a thoma u lila. Zwenezwo ha bvelelani? O vhona, heneffo ho ima Bugu. Heneffo Yo vha i hone, fhedzi ndi nnyi we a vha o fanelwa?

¹³⁴ Zwo luga, heneffo ho ima Gaburiele, zwo tou ralo, o vha o fanelwa; fhedzi, ni a vhona, o vha a si muthu, nahone o vha a Muruniwa. Huno heneffo ho ima Mikaele, o vha o fanela; fhedzi o vha e si muthu, o vha e Muruniwa. Ngauralo ho do tea u vha muñwe muthu we a vha muthu wa l̄ifhasi vhunga ro ita. Huno zwenezwo musi o no vhona iyi Ngwana ye ya vhulawa u bva tshee shango la tehwa, i tshi da n̄tha, huno a vhona uri o vha o vhulawa murahu hothe u ya mutheoni wa shango, zwenezwo Yohane a lila. Amen! Ngauri heneffo zwo vha zwi hone, o vhona tshithu tshoñhe. Ni a vhona?

¹³⁵ Huno nga u t̄avhanya musi a tshi kunguwedza “Naa ndi nnyi o fanelaho?” o vha a tshi khou kunguwedza u da ha Murengululi wa Lushakani. Huno hafha O ima, ene Ngwana. Huno O itani? O tshimbila a ya kha Khulunoni he Muya wa Mudzimu wa vha u hone, huno a dzhia Bugu kha tshanda tsha u la tsha Uyo o dzulaho kha Khulunoni. Huno magota othe vha gwadama huno vha ri, “Iwe wo fanelwa ngauri Iwe wo vhulawa.” Ni a vhona? Huno zwenezwo A vha zwenezwo. . . Bugu Yawe, kana kañkuñuku Bugu ya thengululo, kana—kana Bugu ya u rabelela kha tshikhathi tsha Tshivhidzo yo vuledzwa, zwino U vha Murengululi.

¹³⁶ Zwino, u dzumbululwa ha ndila ye A ita hu khou yo vha kha aya Mapfundo a Sumbe. Zwino, ri dzhiela nzhele kha. . . vhunga musi Bugu ya mushumo wa vhupfumedzanyi wa Ene wo fhela, mushumo wo vuledzwa, zwino kha ndima tharu dza u thoma dza Tshivhidzo, dzo vuledzwa. Fhedzi zwino thengululo, thengululo i tea u dzumbululwa. Naa ndi mini? Zwino, musi A tshi dzhia iyi Bugu. . . Zwino, lingedzani u vheya u humbula hañu ho dzivhafhalaho, ngauri, hune ra do wana haya masiku a sumbe, ni khou yo—ni khou yo i wana zwino.

¹³⁷ Arali ni sa zwi pfectesesi, itonu imisa tshanda tshañu, ni ri, “A thi—a thi zwi wani,” ni a vhona, sedzani, ngauri ndi ḥoda inwi ni tshi vha na vhuñanzi zwino.

¹³⁸ Zwino, dzhielani nzhele “Thengululo.” Nga murahu, nga u t̄avhanya nga murahu ha musi u rabelela Hawe ho no itelwa Tshivhidzo, zwenezwo U a D̄idzumbulula sa Murengululi wa Lushakani. Ni a zwi tevhela izwo zwino? Huno zwino U khou ya u dzumbulula kha Tshivhidzo uri O zwi ita hani. Huno zwenezwo arali iyi nzumbululo yo no thoma, zwenezwo izwo zwi sumbedza uri ri magumoni a ndila. Amen! Zwino, ni tou vhona arali

Hezwi... kana Ndi zwone kana hai, vhunga ri tshi khou fhira nga kha Luñwalo hafha.

¹³⁹ Ri a wanulusa: Naa ho dzumbululwa mini? Naa nzumbululo ya thengululo ndi mini, naa ro rengululwa hani? Itanu lavhelesa hafha kha heyi miñwaha miñku yo fhiraho zwe zwa iteya: nzumbululo ya Dzina la Yesu kha ndovhedzo ya madini, nzumbululo ya uri a hu na vhudzulavhafu ha U Ya Nga Hu Sa Fheli, na khathihhi a yo ngo dihwa (ni tshi elekanya uri vhafunwa vhañu vha ðo vha vha U Ya Nga Hu Sa Fheli). Ni a vhona?

¹⁴⁰ Huno ni nga si vhe na Vhutshilo Vhu Sa Fheli nga nn̄da ha musi no tshidzwa. Ni na Vhutshilo Vhu Sa Fheli, zwenezwo ni nga si fhiswe heleni lwa U Ya Nga Hu Sa Fheli. Ni do gwevhiwa zwivhi zwañu nga vhutshilo hanu ha mvelo, fhedzi ni nga si kone u vha na Vhutshilo Vhu Sa Fheli vhudzulavhafu. Arali ni na Vhutshilo Vhu Sa Fheli, zwenezwo ni nga si fhiswe lwa lini na lini ngauri hu na tshivhumbeo tshithihhi fhedzi tsha Vhutshilo Vhu Sa Fheli. Huno ndi na vhuñanzi uri Tshivhidzo tshi a pfesesa izwo.

¹⁴¹ Zwino, naa ndi mini? Naa zwiñwe zwithu ndi mini? Puñane ya thengululo. Itanu lavhelesa zwe ra ñewa zwone nga u ñavhanya nga Muya Mukhethwa a si kale, ni a vhona: Mbeu ya Abrahamu, zwe nzumbululo ya amba.

¹⁴² Mbeu ya ñowa. Ni a vhona iyi Bugu ya Nzumbululo? Sedzani musi ri tshi swika khayo, nga ndila ine ya i bvisela khagala. Huno ndo zwi sumbedza henefha nga Luñwalo, uri ndi Ngoho kokotolo. Ndi humela murahu thwii kha Nzumbulu-...kana, thwii murahu kha Genesi huno nda i doba huno nda sumbedza musi ilo pfundo li tshi pfundululwa li tshi ða henefho murahu fhasi nga kha Bivhili, u bva kha Genesi u ya kha Nzumbululo.

¹⁴³ Itanu elekanya, u bva kha Genesi u ya kha Nzumbululo a hu na muthu we a lovhedzwa nga dzina la “Khotsi, Murwa, Muya Mukhethwa.” Ndi ndovhedzo ya khole-khole! Ndo ima phanda ha madana mararu na zwithu vhareri vha khuvhangano ya vhashumeli khulwane ya Chicago liñwe ñuvha, huno nda zwi tikedza u swika vha tshi lila nga tshavho. Vha fusumbe vhavho vha khou ða u lovhedzwa nga Dzina la Murena Yesu.

¹⁴⁴ Huno mbeu ya ñowa yo bva kha Genesi! Arali nowa i songo... arali i si na mbeu, zwenezwo Kristo ho ngo ñebwa; ngauri O ri, “Ndi ðo vhea vhuswina vhukati ha Mbeu yau na mbeu ya ñowa.” Huno arali mbeu ya ñowa yo vha i nganea ya khumbulelo nga u ralo Kristo o vha e nganea ya khumbulelo, ngauralo Tshivhidzo ndi nganea ya khumbulelo, ni a vhona ndi zwoñhe, ni nga si kone u zwi fhandekanya. Yone ñowa yo vha na mbeu, huno ndi yone ye ya vha dzindela vhukuma. Ndi ngani vha sa zwi pfesesi? Ngauri a vha na nzumbululo yazwo.

¹⁴⁵ Ndi ngani vha sa ði huno vha ñata khani na nñe? Phuluphithi yo vuleya tshifhinga tshoñhe, ndi ðo ñangana na muñwe na

muńwe. Ndi nga si ṭańe navho, fhedzi ndi na vhuńanzi uri ndi do vha na nyambedzano navho ngazwo, arali vha tshi ṭoda... Ndo vha vhudzisa heneffo phanda ha nyandano. Ndi ṭoda vhańwe vha vhoiñwi vha tshi mmbudza uri ho khakhea ngafhi! Ni songo ima khudani huno na amba nga ha nne, nga hazwo, idani phanda hanga huno ni ime. Kha ri—kha ri vhe nazwo zwa vhukuma, kha ri de nthā hafha huno ri vhone uri ndi nnyi o lugaho na o khakhaho khazwo. Fhedzi vha nga si i dzhene. Zwavhuđi, vha ya ñivha khwine. Ni a vhona?

¹⁴⁶ Ngauri, hu si nne, fhedzi ndi Muya Mukhethwa, ene Muruńwa wa Mudzimu ane na mu vhona. Mini-ha nga ha aya mađuvha hafha musi izwi zwithu zwothe zwe no itea, na uyu Muruńwa wa Murena o ima tsini? Ndi nga si ñivhe hezwi zwithu, fhedzi ndi awara, i fhano. Musi ri tshi fhedza iyi Mimuya ya sumbe, ñanga dza sumbe, na zwithu, ñamusí, arali Murena a tshi funa, ni do vhona hune ya vha hone. Ndi—ndi awara ine ra vha khayo ine hedzi nzumbululo dza tea u da. Ndi Bugu ya nzumbululo, u dzumbululwa ha Yesu Kristo. Huno ro wanulusa, ndima yeneyo ya u thoma, O dzumbulula uri O vha e nnyi. Huno zwino U khou wana Mapfundo a Sumbe, a tshi khou dzumbulula uri O rengulula hani liphasi.

¹⁴⁷ Huno iñwe yadzo yo vha i nga Dzina la Yesu Kristo. Iñwe yo vha i tshi khou bvisa nyofho kha vhathu, vhunga: U Ya Nga Hu Sa Fheli, Thengululo ya U Ya Nga Hu Sa Fheli, u itwa wo lugaho nga lutendo, u itwa mukhethwa, ndovhedzo ya Muya Mukhethwa. Huno mini? Uri ro tsireledzea lwa U Ya Nga Hu Sa Fheli, ri tshi bvisa thimothimo dzothe kha vhathu. Arali ni na vhuńanzi ha u tshidzwa hanu, Mudzimu o no di ni pfunela u swika nga ñuvha la thengululo yanu. Vhaefesa 4:30 i ri:

...ni songo ṭungufhadza Muya mukhethwa wa
Mudzimu, we na swaiwa ngawo u swika ñuvha la
thengululo yanu.

¹⁴⁸ Zwino, ni khou ya u—u humela hani murahu? Ni nga gunea, fhedzi ni nga si xele. Huno arali na dzula kha itsyo tshimo, zwi sumbedza uri a no ngo vha Natsho u rangani. Fhedzi arali ni ñwana wa Mudzimu, "Muloshi a vhuya a ḥanzwiha ha tshe na luvalo lwa tshivhi," Vhahevheru i ralo. Izwo ndi ngoho. Ngauralo ni nga si—ni nga si vhe Mukriste, ni nga si kone u vha na Muya Mukhethwa huno na gidima na tshila shangoni. "Arali ni tshi funa shango, zwithu zwa shango, lufuno lwa Mudzimu a luho kha inwi." Ngauralo ni khou tou thetshelesa mubvumo u si wone huńwe fhethu, ene diabolo o vha na inwi no dihudza. Fhedzi arali ni tshi ṭola vhuńshilo hanu nga Ipfi la Mudzimu huno zwi sumbedza uri ni khou tshilá fhasi kha masiařari a Bivhili, zwenezwo ni na tsireledzo ya u ya Nga Hu Sa Fheli.

¹⁴⁹ Huno a hu na tshithu tshine na teya u ofha. Zwe Mudzimu a fulufhedzisa, Mudzimu u do zwi ita. Ndi itela khaedu muthu

muñwe na muñwe uri a dzhie hezwo. Inwi itonu dzhia hezwo huno ni tshimbile na ilo Ipfi, huno ni sedze zwine zwa bvelela kha inwi. Mukomana, Žwi do khunyeledza tshiñwe na tshiñwe, Mudzimu o amba nga u ralo. Tshiñwe na tshiñwe tshe Mudzimu a fulufhedzisa, tshi do bvelela.

¹⁵⁰ Ndo... Ngauri ndo no ni vhudza uri mushumo wanga wo vha u tshi khou thoma, hafha ho no vha na miñwaha i no ḥodou swika fumiñthanu u mona hothe na u mona na shango, huno a hu na tshifhinga na tshithihi tshe La kundelwa. Ndi ngani? Ngauri, zwavhuđi-vhuđi, ndo ima kha pfulufhedziso ya Mudzimu. Ndo zwi divha uri Yo vha i Ngoho. Ni songo ntendela ndi tshi lingedza u ni vhudza uri ndi vhuñwe ha vhutali hanga vhuhulwane, fhedzi Uyo We a dzumbulula zwiphiri zwa mbilu ndi onoyo Muthihi we a ntsumbedza Luñwaloni. Ngauri a tho ngo vhuya nda... musi ndi tshi thoma u rera, miñwaha i no ḥodou swika ya furaru yo fhiraho. Ndo do tea u vha na khonani yanga ya musidzana yo dzula henefho huno a vhala Bivhili. Ndo kundelwa u vhuya nda I vhala, ndi si na pfunzo nnzhi. Khaladzi Wilson, ni tea u elelwa hezwo musi Hope o vha a tshi anzela u vhala Bivhili kha nñe murahu hangei, dzula huno a I vhale, huno ndi do ri, "Ipfani zwe La amba, itani zwine La amba. Ndi zwenezwo fhedzi zwine nda ñivha u ni vhudza." Huno zwothe zwe zwa zwi ita, mulandu, vho luga. Zwo vha zwi zwenezwo fhedzi. Ndo vha—ndo vha ndi tshi do...

¹⁵¹ O vha a tshi do ri, "Mudzimu o funa shango nga maanda lwe A ñekedza Murwa Wawe mubebwa-e-eþhe."

Ndo vha ndi tshi do ri, "Naa ndi vhangana vha no Li tenda?" "Vhalani i tevhelaho, mufunwa."

"O ñetshedza Murwa Wawe mubebwa a eþhe, nnyi na nnyi ane a tenda Khae u na Vhutshilo Vhu Sa Fheli."

Nda ri, "Ndi vhangana vhane vha Zwi tenda? Ni pfa zwe La amba." Ndo vha ndi sa koni u Zwi vhala nñe muñe.

¹⁵² Ngauralo, ni a vhona, ndo vha ndi si na ndila ya u guda u bva kha tshiñwe tshikolo. Fhedzi, oo, ndi a funa itscho tshikolo tshe nda ya khatsho! Oo, murahu nn̄da hangei bakoni lītuku huñwe fhethu, zwanda zwanga zwi n̄tha kha Mudzimu, ñuvha na ñuvha nn̄da nga u ralo, musi Muya Mukhethwa u tshi tsela phasi nga u ñifha Hawe huno wa thoma u Didzumbulula, huno wa ri, "Hezwi ndi zwiña, huno zwiña ndi zwiña." Huno a hu na tshifhinga na tshithihi tshe muñwe muthu, tshivhumbwa tsha luñwe lushaka, a vhuya a kona u vhea zwanda zwawé kha tshiñwe na tshiñwe Tshalo. Huno na zwothe zwikwamaho vhusweleli hothe na tshiñwe na tshiñwe-vho tshe tsha swiela shango, Mudzimu o Li imisela n̄tha na u kuna, huno a Li monisa na u mona na shango. Haleluya! Ri kha tshifhinga tsha vhufhelo, vhakoma. Ri fhano kha tshifhinga tsha vhufhelo. Ndi zwenezwo

fhedzi. "Hu do vha Tshedza tshifhingani tsha nga madekwana." Izwo ndi zwone kokotolo zwe A amba.

¹⁵³ Zwino, ndi Bugu ya Nzumbululo, Mudzimu a tshi khou Didzumbulula. Huno zwino nga kha izwi zwiphiri zwihulwane, U khou dzumbulula Dzina la Murena Yesu Kristo kha ndovhedzo, U khou dzumbulula uri a hu na tshithu tsho raloho tshi no nga Vhudzulavhafu ha U Ya Nga Hu Sa Pheli (zwi nga si ralo, a hu na Luñwalo kha Bivhili lune lwa ri hu na zwithu zwo raloho).

¹⁵⁴ Zwino, hu na vhudzulavhafu, huno hu na dzivha la mulilo, huno hune vhavhi vha gwevhiwa, fhedzi mafhedziseloni vha fhiswa. Khamusi miñwaha ya milioni dza madana a fumi, fhedzi mafhedziseloni. Ngauri ni nga si vhe na Vhutshilo Vhu Sa Pheli nga nnda ha musi no tshidzwa. Huno arali na swa lwa U Ya Nga Hu Sa Pheli, ni tea u vha na Vhutshilo Vhu Sa Pheli. Mulandu, ngelekanyo ya mupo i teya u ni sumbedza hezwo. Ni a vhona? Naa ni nga vha hani na U Ya Nga...? Ndi vhangana vhane vha divha uri ni na Vhutshilo Vhu Sa Pheli he na tshidzwa hone? Zwo luga, arali na swa lwa U Ya Nga Hu Sa Pheli, naa a ni nga tei u vha na Vhutshilo Vhu Sa Pheli uri ni vhu limuwe? Ngauralo, ni a vhona, a zwi vhuyi zwa pfala. Ni a vhona?

¹⁵⁵ Zwino, "tsireledzo." Havho vhe A dzula o vha divha, O vha vhidza; havho vhe A vha vhidza, O vha ita vho lugaho; Havho vhe A vha ita vho lugaho, O no vha neya vhugala. Paulo o ri vhudza, kha ndima ya 1 ya Vhaefesa, uri "Mudzimu, musi shango li sa athu u sikiwa, o ri tela adopusheni ya vharwa nga Kristo Yesu."

¹⁵⁶ Yohane u a ri vhudza hafha kha Nzumbululo, uri "Swina mađuvhani a u fhedzisela, ilo swina la vhurereli, vha tshi dzhena vhukati ha vhatu huno vha vha na madzangano na zwiñwe-vho, na vhukheluwi na zwiñwe-vho," vhunga vha nazwo namusi, "huno zwi do fhura vhenevho Vhanangiwa arali zwo vha zwi tshi konadzea, huno a fhura vhothe vhane madzina avho ha ngo ñwalwa kha Bugu ya Ngwana ya Vhutshilo u bva tshe shango la sikwa."

¹⁵⁷ Dzina lañu lo vhewa lini kha Bugu ya Ngwana ya Vhutshilo? Shango li sa athu tewa. Naa Kristo o vhulawa lini, miñwaha ya madana a fumiñahe yo fhiraho? Hai, muñe wanga. Shango li sa athu tehwa. "Ngwana yo vhulawa shango li sa athu tehwa."

¹⁵⁸ Ni a vhona zwine la khou ita? Ndi aya mapfundo a no khou pfunululwa, a tou thoma u dzumbulula pułane ya thengululo, ndila ye A zwi ita. Zwo no fhela zwino, u tou vha—vha u fhedza zwino. Ngauralo ri kha tshifhinga tsha vhufhelo. Ngauralo izwo ndi ngazwo zwi—zwithu zwi tshi dzumbululwa. Zwo luga.

¹⁵⁹ Zwino, Wa Lushakani washu u newa Bugu ya thengululo ya mapfundo a sumbe a bvaho kha Muñe wa vhubvo. Muñe wa vhubvo... Musi ro xedza ngadeni ya Edeni, nga kha Adamu, yo humela murahu kha Muñe wa vhubvo. Fhedzi ho vha na tshavhi

kha shnago, mudzuli a siho mulayoni, huno uyo ndi Sathane; u ya da, ndiene tshavhi. Heli lifhasi a si lawe; ndi la Mudzimu. Fhedzi u tshavhi, mudzuli a siho mulayoni. Munna, nga ndila ye nda vha ndi tshi nga amba tshiñwe tshithu zwa zwino, fhedzi ndi khwine ndi sa ralo. Ndi linwalo la vhune la thengululo yashu, iyi Bugu ya mapfundo a sumbe. Ndi linwalo la vhune. Inwi lindelani u swika ri tshi dzhena ngomu ha ayo Mapfundo!

¹⁶⁰ U pfuñulula mapfundo, u dzumbulula, u ri nea ifa Lawe kha vhathu Vhawe. U nea ifa le A li dzhia sa ifa, a tshi vha Murengululi wa Lushakani, huno a ri nea lone nga fhedzi. Zwothe zwe vha zwi Zwawe. O vha e Ene We a rengulula. Fhedzi vhudzuloni ha u li tevhedza Ene muné, U li nea murahu kha vhathu. Ulwo ndi lufuno Lwawe kha riñe. Oo!

¹⁶¹ Sathane, ene mudzhiyi walo zwino, ene mudzuli a siho mulayoni, mafhedziseloni ha todii... Ha todii u li tuwisa nga u tāvhanya, ri wanulusa hafha nga murahu ha tshifhinganyana kha Mañwalo, ndi khou elekanya nga hangeno kha iriwe ndima. Huno o vha a sa todii u zwi litsha nga u tāvhanya, fhedzi o do tea u li lwela. Fhedzi, mafhedziseloni, musi a tshi diswa kha makhaulatshele, o poswa dzivhani la mulilo. Izwo ndi zwone.

¹⁶² Yesu, Dzina Yesu kha Mafhongo-madifha u na maimo maña a "Murwa." Naa izwo no zwi divha? Yesu u na maimo maña sa Murwa kha Mafhongo-madifha. Mañwe ao ndi "Murwa wa Dafita"; linwe lalo ndi "Murwa wa Abrahamu"; linwe, "Murwamuthu"; linwe, "Murwa wa Mudzimu."

¹⁶³ Zwino, sedzani. Musi Murengululi wa Lushakani washu a tshi vha Yesu Kristo, U vha Murwa wa Dafita, ane a vha Mułaifa kha khuluñoni. Vhugala! O vha mułaifa wa khuluñoni nga u vha Murwa wa Dafita. Mudzimu o amba murahu heneffo uri Ha nga do vhuya a tutshela Dafita, "a nga si vhuye a tutshela Dafita a si na mbeu." Huno Kristo ndi Murwa wa Dafita. Huno U vha Murengululi wa Lushakani washu, huno o lindela, a tshi khou lugisela fhethu hune A nga kona u vhusa na riñe. Vhunga Murwa wa Dafita Ndi ene Mułaifa kha khuluñoni.

¹⁶⁴ Vhunga Murwa wa Abrahamu, U Mułaifa kha zwi tendele zwa vhukololo. Amen. Ndi zwone? Ndi Mułaifa kha zwi tendele zwa vhukololo (Amen!), Palestine na zwothe zwi re khae, "Mbeu ya Abrahamu." O vha a Murwa wa Abrahamu.

¹⁶⁵ Vhunga Murwa-muthu, naa Murwa-muthu u itani... Naa muthu o xedza mini? O xedza lifhasi. Ngauralo sa Murwa-muthu ndi Ene Mułaifa wa tshiñwe na tshiñwe lifhasini. Hezwi zwothe U nazwo nahone U teya u rifha zwone murahu, zwenezwo U khou humela murahu vhunga zwe A vha. U...

¹⁶⁶ Zwino, zwenezwo, vhunga Murwa wa Mudzimu U vha na ifa la zwithu zwothe. Vhunga Murwa wa Dafita U Mułaifa kha khuluñoni, sa Murwa wa Abrahamu U Mułaifa wa zwi tendele zwa vhukololo, sa Murwa wa muthu U Mułaifa wa lifhasi, sa

Murwa wa Mudzimu U Mulaifa wa zwithu zweṭhe Tađulu na lifhasi. Yawee, nne nne! Ndi Murengululi washu, Murengululi washu wa Lushakani.

¹⁶⁷ Zwino, dzhielani nzhele! Oo, izwi zwi a mpfara zwavhuđi nga maanda. Afha ndi hune zwa vhukuma nda—nda swika hune nda kanzwiwa. Zwino, litshani mbilu dzađu dzi vhofholowe kha Mudzimu lwa miniti i si gathi. Thetshelesani hezwi.

¹⁶⁸ Saṭhane ndi mudzuli a siho mulayoni, ha na ndugelo dza u vhusa heli, huno o vha na miňwaha ya zwigidi zwivhili zwa u ṭaṭa uri u ya livhusa kana muňwe-vho u ya li vhusa. Fhedzi Kristo o da sa Murengululi wa Lushakani huno a li rengululela murahu kha riňe. Fhedzi Saṭhane o li thuba. Fhedzi, ni a divhā, nga murahu ha tshifhinganyana (nndwa iyi khulwane yo fhela) u do poselwa dzivhani la mulilo. Ni a vhona? U do fheliswa, na avho vhoṭhe vha no luvhā nae. Fhedzi vhalaifa vha u tshidzwa vha do da na Kristo. Zwino, ndi mudzuli a siho mulayoni.

¹⁶⁹ Zwino, elelwani, kha Testamennde ya Kale, arali ene—ene muthu a xedza ifa ḥawē huno mudzuli a siho mulayoni a da kha mavu awe, o vha a nga si tsha afara na khathihi lwa tshoṭhe u bva kha muňe wao u swika miňwaha ya fuṭhanu. Nga murahu ha miňwaha ya fuṭhanu, ḥwaha—ḥwaha wa Mihuvho wa da. Huno ḥwaha wa Mihuvho, musi ḥwaha wa Mihuvho u tshi da, zwenezwo tshiňwe na tshiňwe tsha humela murahu kha u ranga hatsho ha vhubvo hafhu. Dziphuli dzoṭhe, vho humela murahu kha mathomo a vhubvo. Arali munna o vha a tshi khou ṭahula tsimuni huno phalaphala ya lila huno a i pfa, o vha a tshi do posa dzembe fhasi huno a ri, “A thi tsha vha phuli, ndi humela murahu hayani kha muṭa wanga.” Tshiňwe na tshiňwe tshifhiwa murahu. Arali mudzuli a siho mulayoni o vha a mavuni, o vha a tshi teya u bva kha mavu. Ndi zwenezwo fhedzi. A bva mavuni ngauri ndi ngani? Muňe wao wa mulayoni o vha a tshi khou vhuya. O do tea bva.

¹⁷⁰ Haleluya! Liňwe la haya mađuvha miyhuso ya liňo shango i do wa, huno vhańe vha ri mulayoni vha do da nga liňwe la haya mađuvha. Amen.

¹⁷¹ Zwino, ho vha na tshifhinga tshe a vha a kha u lwelwa. U bva kha duvha la vhufuiňa, u bva u rangani ha duvha la u thoma la u ṭanžwiwa ha dzhivhulo, kana Kristo o ya Khalivari, ho vha na mađuvha a fuiňa a u ya kha u gonya. Zwo vha zwi kha khanedzano, uri kana tshigwada tsha Saṭhane tshi do zwi dzhia huno tsha ri Ho ngo vuwa vhafuni. Vha thoma u huwelela heneffo nahone vha ri, vha ri, “Ndi vhafunziwa vho daaho nahone vha Mu tswa vhusiku.” No vhala Bivhili, “Huno o amba uri ‘Vhawe—Vhawe vhathu vho da vha Mu tswa vhusiku.’ Huno a badela maswole uri a ambe izwo.” Fhedzi zwo vha zwi mbudziso zwiла, muňwe na muňwe o vha a kha mbudziso.

¹⁷² “Zwo luga, zwa vhukuma, khamusi ndi zwa dzangano, zwenezwo, tshithu tshothe ndi tsha lone.”

¹⁷³ Fhedzi nga duvha la vhufuthanu ho vha hu Duvha la Pentekoste, huno Muñe a re mulayoni u tsela fhasi vhukati havho (Haleluya!) huno a sumbedza uri lo vha li si dzangano. Uri ho vha hu u dala ha Muya Mukhethwa. Heyo yo vha i tshelede ya Mudzimu ya maranganphanda kha Tshivhidzo Tshawe uri a tshi nga langiwi nga dzangano na zwinwe zwinzhi, zwi do vha thanziela ya ndovhedzo ya Muya Mukhethwa i na maanda na lufuno lwa Mudzimu. Amen! Oo, naa izwo a zwi ni iti tshinwe tshithu? Ene Muthubi a re mulayoni! Naa wo vha u ngafhi? Zwandani zwa Mudzimu. Huno kha . . .

¹⁷⁴ Ni a vhona, o vha a sa koni u zwi fara lwa mađuvha a futhanu. Inwi ni vhala izwo nga hangei kha—kha Vhalevetiko—kha Vhalevetiko, kha—kha milayo heneffho. Lo amba uri a vho ngo kona . . . mune wa vhubvo. Lo do tea u humela murahu ngomu zwandani zwa muñe wa vhubvo nga murahu ha miñwaha ya futhanu. Rothe ri a zwi divha hezwo. No vhala hezwo zwifhinga zwinzhi, fhedzi . . . ni a vhona, “Zwo do tea u humela murahu kha muñe wa vhubvo nga murahu ha miñwaha ya fuñhanu.”

¹⁷⁵ Zwo luga, zwenezwo, nga murahu ha iyi miñwaha ya fuñhanu ya duvha, ñwaha muthihi . . . duvha lithihi li tshi amba u fana na ñwaha. Huno u bva nga duvha le u vhambwu musi vha tshi dzhia . . . uyu Murengululi wa Lushakani huno a Mu vhulaha nga—nga duvha la Paseka, ho vha hu na u hanedza tshifhingani itsho. Tshivhidzo tsho tenda u swika nga itsho tshifhinga uri O vha e Murengululi wa Lushakani, “O vha e Murengululi.” Zwenezwo naa zwo itani? Lo Mu vhulaha, swina lo ita, huno la ri vho doba muvhili Wawé huno vha u dzumba hñiwe fhethu. Huno izwo zwo vha zwi kha u timatima hothe ha vhathu, “Naa ho bvelelani Khae? Naa ho itea mini?”

¹⁷⁶ Zwino, magumoni a duvha la vhu futhane, zwenezwo, ni a vhona, lo vha li si nga si tsha vha kha khanedzano hafhu. Zwenezwo, Mudzimu . . . Madzuloni avho a u ya—ya na zwa vhubvo zwa kale, u konda, tshivhidzo tshi rotholaho; Mudzimu o rumela Muya Mukhethwa murahu, a pandela vhadzuli vhothe vha siho mulayoni, huno zwenezwo a u dzhia. Maanda a Muya Mukhethwa a tsela fhasi huno Tshivhidzo tsha ḥanganedza thanziela ya tshidzo yatsho.

¹⁷⁷ Zwino, vhakomana, hu si u vhaisa vhudipfi hanu kana tshiñwe tshithu nga hazwo, arali dzangano li lone huno ni tou vha Mukatolika nga dzangano, ni Mubaphuthisi nga dzangano, no xela. Ni a vhona, vhungoho ha u tshidzwa hashu ho vha hu si u vha murado wa tshivhidzo, vhungoho ha u tshidzwa hashu ho vha hu si u wela kha liñwe dzangano. Thanziela ya tshidzo

yashu ndi ndovhedzo ya Muya Mukhethwa hu si na tshiimiswa na tshithihi! Amen.

¹⁷⁸ Vho vha vha nga si kone u fara hezwo, nga murahu ha ḫuvha la vhu futhanu, ngauri ilo lo vha li ḫuvha la Mihuvhō musi tshiñwe na tshiñwe tsho humela murahu kha u ranga hatsho ha vhubvo. Huno ma—maanda a Mudzimu o humiselwa murahu kha vhubvo hao, ḫuvha la vhufuthanu, ḫwaha wa Mihuvhō musi zwithu zweþhe zwi tshi humela murahu.

¹⁷⁹ Zwino, hu do da muñwe ḫwaha wa Mihuvhō na, uyo, ro vha nawo nga tshino tshifhinga. Arali no dzhieila nzhele, Pentekoste yo vha i tshi khou wa Amerika lwa miñwaha i no ḫodou swika ya futhanu, huñwe fhetu nga itsho tshifhinga. Miñwaha i no ḫodou swika ya futhanu yo fhiraho Pentekoste yo thoma u wa. Zwino hu khou itea mini, tshivhidzo tshi khou ḫanganedza Bugu ya mapfundo a sumbe ya nzumbululo ya Yesu Kristo (ya Mapfundo a Sumbe) huno hu si tshafumi tshao tshi nga Zwi ḫanganedza.

¹⁸⁰ Fhedzi musi ni tshi thoma u vhona ḫwaha wa Mihuvhō hune a ri tei u ṫa na u hanganeya na u kokodza nga u rali, fhedzi ro no tsireledzea kha Kristo! Ro no vha na Dzina la Murena Yesu Kristo kha ndovhedzo. Ri na izwi zwiphiri zweþhe zwi hulwane zwine ra khou yo zwi ḫisa kha aya Mapfundo a Sumbe, huno nda ni sumbedza uri ayo o vha e mapfundo e a vha o shatelwa matoni a vhathu. Ya Mudzimu e muthusi wanga, ndi do ni sumbedza uri a vho ngo kona u vhona Izwo nga Bivhili (Zwenezwo, ngoho, arali Bivhili yo amba nga u ralo ni do zwi tenda.), uri vha nga si kone u vhona tshithu nga nn̄da ha “Khotsi, Murwa, na Muya Mukhethwa” u swika nga tshino tshifhinga. A vho ngo kona u vhona uri ho vha hu si na vhudzulavhafu ha U Ya Nga Hu Sa Fheli, u swika nga tshino tshifhinga. A vho ngo kona u vhona uri ho vha hu na tsireledzo ya U Ya Nga Hu Sa Fheli i si na... ndi khou amba mutendi wa vhukuma. Zwo tou ralo, ho vha na u hoiwa ngazwo hoþhe u mona, mubvumo u si na vhuþanzi une vha u neya. Ndi ngazwo vhathu... Vha ri, “Malandu, vha sedzeni Vhapuresbiterieni na vhañwe-vho, vha dahan, vha nwa, na tshiñwe na tshiñwe-vho, huno vha ri vha na tsireledzo ya U Ya Nga Hu Sa Fheli.” Iina, fhedzi, inwi ni a vhona, izwo ndi u—izwo ndi u posela Phalaphala ya vhukuma kule.

¹⁸¹ Kha ri wanuluse Hafha murahu huno ri wanuluse uri kana Phalaphala i ya lila, arali ni sa di thwii murahu kha Genesi u ya kha Nzumbululo, murahu na phanda, musi ili pfundo li tshi pfunululwa; ni a vhona, izwi zwithu zwi tshi dzumbululwa.

¹⁸² Zwino, oo, mukomana! Ndo elekanya uri ndo vha ndi tshi khou tou... Ndi khou ya u mu ḫutshela u swika tshifhinga tshi daho ndi tshi swika ngomu hafha. Ndi kha di vha na masiaþari a no ḫodou swika a rathi hafha; kana—kana, zwo luga, hai, ri na tshumelo ya ndovhedzo i no khou da. I ri ni ndi vhale izwi, izwi zwithu zwiþku henehfa, ḫwaha wa Mihuvhō. Zwo luga.

¹⁸³ Zwino, vhoiñwi—vhoiñwi nothe ni khou ñwala Mañwalo? Kha Yeremia 32, huno ri thome kha ndimana ya 6 arali na... huno musi ni tshi swika hayani, ni tshi ḥoda u i vhala. Zwino, Yeremia, uri a ni tendele u vhona uri itsi tshikurolo ndi mini, ndi ḥo bvisa hezwi. Kha ri dzhie tshikurolo, naho zwo ralo. Izwo zwi ḥo nñea miniti i no ḥodou swika ya fumi, ya tshikurolo. Zwino, ni a elelwa, iyi Bugu yo vha yo pfunelwa. Zwino, bugu zwifhingani zwa Bivhili yo vha i si bugu ya khuda nna nga u *rali*. Yo vha i bugu i no nga *iyi*, ye ya vhidzwa bugu, “tshikurolo.” Ndi vhanganha who no ñivha izwo? Uh-huh. Zwo tou ralo, ho vha hu tshikurolo. Zwo luga.

¹⁸⁴ Zwino, iyi—iyi Bugu yo pfunelwa nga mapfundo a sumbe. Zwino, Yo vha i Bivhili huno Yo vha yo pfunelwa nga mapfundo a sumbe. Huno zwino sedzani uri izwi zwo itwa hani.

¹⁸⁵ Yeremia, musi o—musi o vha a tshi khou ya u vha... o porofita uri u ḥo hwalea. Kha Yeremia zwino, ndima ya vhu32. O vha a tshi khou ya u hwalelwa kule ngei vhuthubwani fhasi ngei Babele, who vha vha tshi khou ya u vha henengei fhasi lwa miñwaha ya fusumbe. O zwi porofita. Huno vhoiñwi vhavhalii vha Bivhili no fhira khazwo zwifhinga zwinzhi. Huno o vha a tshi khou ya u iswa fhasi henehfo lwa miñwaha ya fusumbe. Huno zwa vhukuma o—o vha e wa lushakani wa tsinisa kha muzwala wawe we a vha o lovha. Ene muzwala wawe (H-a-n-a-m, e mbili, l) Hanameel, Hanameel, Hanameel, o vha a... wawe wa lushakani. Ngauralo o ñivha uri—uri swina li do fara one—one one—mabammbiri na zwiñwe—who zwa fhethu hawé, fhedzi musi... O zwi ñivha uri Mudzimu na khathihi a nga si furalele vhathe Vhawé, ngauralo musi vha tshi vhuya, uri a kone u vha na u vha muñe a re mulayoni kha ifa, hafha ndi zwe a ita: o vha nazwo zwo ñwaliwa.

¹⁸⁶ Ndi vhanganha who no zwi vhalaho? Zwo luga, no zwi vhala, no no zwi vhala. Zwo luga. Zwino, o dzhiya huno a pfunela kokotolo nga ndila ine zwikurolo zwa pfunelwa hafha. Ndi tshithu tsho nakesaho, tshithu tshi mangadzaho tshire no no vhuya na tshi vhona.

¹⁸⁷ Zwino, ndi khou yo lingedza u zwi talutshedza nga itsi tshipida tsha bammbiri, a thi ñivhi uri ndi nga kona kana hai. Zwino, ngeyi ndila ye zwa ñwaliwa, nga ndila *iyi*. Zwino, o zwi ita huno a zwi shatela nga ndila *iyi*, muñwe na muñwe fhasi. Zwino, ho bvelelani, kha liñwe na liñwe la aya mapfundo o ñwalwa u mona hafha ifa lawe na zwe zwa itea, na vhothe vhe vha wa phanda hawé na uri u da u la ifa lawo hani. Lo vha lo pfunelwa nga u ralo.

¹⁸⁸ Zwino, ndi nga ndila ine Mudzimu a vha na Bugu Yawe yo pfunelwaho nga mapfundo a sumbe. Zwino, vhunga A tshi khou kwashékanya hezwi, uri iyo nzumbululo i vhuya murahu ya tshimbila ndila yothe murahu kha Bugu. Ndi ngazwo ni tshi

nga dzhia Dzina la Yesu Kristo huno a Li tshimbida u bva kha Genesi u ya kha Nzumbululo huno a sumbedza uri a hu na tshithu tsho raloho tshi no nga "Khotsi, Murwa, na Muya Mukhethwa." Ni a vhona? Ni a vhona, zwi tshimbila u mona na Bivhili yothe, Zwi a zwi dzumbulula.

¹⁸⁹ Zwenezwo ni dzhia vhunga, "Hu na vhudzulavhafu ha U Ya Nga Hu Sa Fheli." Inwi ni kokodzele izwo kule huno na zwi tshimbida ndilani yothe u mona hothe; na khathihi ho vha hu si na vhudzulavhafu ha U Ya Nga Hu Sa Fheli ngauri u rangani Mudzimu o ri hele yo *sikelwa* diabolo na vharuñwa vhawé, u itela tshigwevho tshavho tshi daho. Zwenezwo arali hele i ya U Ya Nga Hu Sa Fheli, i nga sikiwa hani? Ipfi tsiko a lo ngo vhuya la ralo... Ipfi la *U Ya Nga Hu Sa Fheli*, "a lo ngo vhuya la thoma nahone a li nga gumi." Zwenezwo tshifhinga tshothe ho vha hu na vhudzulavhafu arali hu vhudzulavhafu ha *U Ya Nga Hu Sa Fheli*, "ho vha hu na vhudzulavhafu tshifhinga tshothe, nga tshifhinga tshenetsho tshithihi ho vha hu na Mudzimu ho vha hu na vhudzulavhafu, hu sa athu vha na tshiñwe tshivhi-vho heneffo ho vha hu kha di vha na vhudzulavhafu." Huh! Yawee, nñenñe! Ni a vhona, ni nga si kone u zwi ita.

¹⁹⁰ Ngauralo ni lavhelese musi hezwi zwithu zwi tshi dibvisela khagala, zwi humela murahu u mona nahone zwa vula Bugu. Ngauralo zwino hezwi zwi nea tshifanyiso tsha Bivhili yothe, huno mapfundo a re na Bivhili yo dzumbwa mañoni a vhaçali na vho thanyaho. Mudzimu, nga Muya Mukhethwa, u khou a vula nga heyi ndila nahone u khou a dzumbulula u mona na Bivhili. Vhugala kha Mudzimu!

¹⁹¹ Mukomana, ndi a ni vhudza, uri u tou wana tshumela dzanga—dzanga dza tshimuya dzo dzikuswa. Ni a vhona? Ni a vhona? Zwino, sedzani hafha! Ni a vhona, ndi—ndi u vhona... vhunga... Ni a pfesesa zwine nda khou amba? Ni a vhona, hafha ndi, pfundo. Zwino, arali na lavhelesa na vhala hafha, iyani kha Yeremia huno ni vhone uri o—o—o zwi pfunela hani.

¹⁹² Zwino, kheyo Bugu, yo ñwalwa heneffo. Zwino, nga tshifhinga tsha nzumbululo ya u thoma, zwenezwo U pfunulula ili pfundo. Zwino, inwi sedzani huno ni vhone zwe ilo pfundo la u thoma la vha li zwone musi ri tshi swika kha Mapfundu. Zwenezwo tshifhinga tsha pfundo la vhuvhili, U kokodzela pfundo li tevhelaho nn̄da. Huno ni a ñivha hune ra vha hone? Kañukuñku ri kha pfundo la vhusumbe zwa zwino. Huno musi la vhusumbe...

¹⁹³ Musi pfundo la u thoma li tshi pfunululwa, phalaphala ya u thoma yo lila huno bulayo la u thoma la wa. Musi pfundo la vhurathi li tshi pfunululwa, la vhurathi lo lila huno bulayo la vhurathi la wa. Itanu zwi lavhelesa, ndi tshithu tsha u naka nga maanda tshe na vhuya na tshi vhona. Huno musi ndi tshi ralo, ndi khou ya u ñiwanelo khulu, daba lihulu, nda i ñisa nñha

hafha huno nda tou i funza u mona na hafha, ngauralo ri tou dzhia tshifhinga tshinzhi kha pfundo linwe na linwe huno ra humela murahu huno ra dzhia divhazwakale na zwithu, huno nda sumbedza uri zwo itea lini, huno nda sumbedza henehfa kha Bivhili musi I tshi ri zwi do iteya, huno kokotolo musi zwi tshi iteya, u tou vha datumu na tshinwe na tshirwe. Ndo i wana, amene, ndo i wana Khae. Izwo ndi zwone. Kheo mapfundo.

¹⁹⁴ Zwino, musi Yeremia o nwala iyi bugu, yo pfunelwa... Ngetshi tshithu tshavhuđi tshine nda ḥoda ni tshi tshi dzhiela nzhele, vhoiñwi nothe vhe na tshi vhala, uri iyo bugu yo pfunelwaho... Zwino, elwelani, o vha a tshi khou yo ṫuwa. O vha o no porofita. Zwino, ho ngo zwi divha, nga vhuporofita fhedzi. Naa ni khou mpfesesa? Nga kha vhuporofita o divha, nga nzumbululo ya Mudzimu, uri vho vha vha tshi khou ya u ṫuwa kha ilo shango lwa miñwaha ya fusumbe. Ni a mu elelwa a tshi khou porofita izwo? U do vha a na miñwaha ya fusumbe, vha do vha kha vhupulwi. Ngauralo o vha a tshi ḥoda u vha na vhutanzi uri ili pfundo (uri ifa ḥawé) li do vhulungwa, ngauri o vha na... o vha mulaifa wa ifa ḥa muzwala zwawe. Ngauralo o vha nazwo zwo ḥivaliwa, lwa mulayo. Huno naa o ita mini ngalwo? Uri lu sa siñe kana u ṫahala, o lwu vheya kha mudzio wa lifhasi; huno a lu vheya kule uri lu sa siñe kana u ṫahala, u swika miñwaha ya fusumbe i tshi fhela.

¹⁹⁵ Vhugala kha Mudzimu! Ndo fulufhela uri ni do zwi pfesesa! Naa ni a vhona zwe Mudzimu a ita? Ha ngo vhuya a Zwi dzumbulula kha vhahulwane na vha u dihudza (uri vha kone u dihudza ngazwo lwa tshifhinga hetshi tshothe), fhedzi O Li vheya kha Mudzio wa lifhasi huno A Disikela Murwa Wawe Ene muñe, Kristo Yesu. Huno kha ili duvha ḥa u fhedzisela zwino U khou pfunulula mapfundo nahone a tshi khou a sumbedza Tshivhidzo Tshawe. Vhewa kha Mudzio wa lifhasi uri Li sa siñe kana u ṫahala! Haleluya! Oo! Ndi a zwi divha uri ni elekanya uri ndi muvhumbuluwi-mukhethwa. Khamusi ndi ene. Ni a vhona? Fhedzi Li henehfo! Lo dzulelwa u putelwa kha Mudzio wa lifhasi we wa rengululwa u bva kha lifhasi, u bvelela nga matshelonii a Paseka hune mapfundo a lufu o vha a nga si Mu fare na khathihi; fhedzi O pfunulula mapfundo huno a vuwa, nahone a tshi khou Disumbedza kha aya maduvha a u fhedzisela uri U a tshila! U kha Tshivhidzo Tshawe! Ha shanduki mulovha, ḥamusii, na lini na lini. Huno izwo zwo dzumbelwa dziseminarii, zwo dzumbelwa madzangano.

¹⁹⁶ Huno kha aya maduvha a u fhedzisela U khou Li dzumbulula nga Vhuhone Ha Ene muñe vhukati ha vhatthu Vhawé. U wana muñwe muthu ane A nga bvisa shango khae na zwithu nnda khavho (hone vhukereke khavho), uri A kone u amba nga khao huno a dzumbulula nahone a pfunulula aya mapfundo ngaurali Ene muñe. Ni a vhona? Haleluya! Oo, naa a ni Mu funi? Nñe nñe, nñe nñe, nñe nñe!

¹⁹⁷ Pułane yashu ya tshidzo, i fanaho zwino i tshi dzumbululwa kha Yesu Kristo. Naa O i dzumbulula hani mađuvha a u fhedza? Nga kha u vula lone pfundo. Mulandu, a hu na muthu... Na khathihi a ni athu zwi pfa zwi tshi nwalwa vhutshiloni hanu nga ha Mbeu ya Abrahamu, uri vho fhira hani kha u itwa vho lugaho, u itwa mukhethwa, ndovhedzo ya Muya Mukhethwa; uri uyo muruňwa u do da hani mađuvhani a u fhedzisela, a rembulusa mučana wawe kha tshivhidzo huno a amba kokotolo zwe Sarah a vha a tshi khou elekanya mbiluni yawe nga ngomu (izwo two vha zwi si u swika kha lino đuvha, izwo ndi zwone, ili ndi đuvha); na lutendo lwa Abrahamu; na Dzina la Murena Yesu.

¹⁹⁸ Zwino, tshithu tshithihi hafha, ndi na zwithu zwičanu hafha zwine nda do takalela u amba nga hazwo, lwa muthethe, nga u ḥavhanya u ya nga hune nda kona. Sedzani. Sumbe... Hu na mapfundu a sumbe, huno hu na a sumbe ḥananu kha pułane ya Mudzimu ya thengululo. *Thanu* ndi nomboro ya “tshilidzi.” Naa ndi vhanganu vha no divha izwo? J-e-s-u-s, f-a-i-t-h, ḥananu ndi nomboro ya tshilidzi. *Rathi* ndi đuvha la muthu, huno *sumbe* ndi lawe—lawe đuvha la thengululo.

¹⁹⁹ Zwino, sedzani. Zwino, hu na mapfundu a sumbe kha izwi, kana—kana zwiimo zwa sumbe kha iyi pulane khulwane ya thengululo. Hu na sumbe dza mini? Mapfundu a sumbe a thengululo, Mimuya ya Mudzimu ya sumbe... Ri wana uri (arali ni tshi ḥoda u vhona arali i tshi ri “Mimuya ya Sumbe,” i ri ni ndi vhone hafha lwa muniti), ndima ya vhu5, ri tshi thoma kha ndimana ya vhu6 (ndi a tenda, ri vhona hafha), ndimana ya vhu6:

Huno...vhonani, huno, vhonani, vhukati ha khulunoni na zwivhanda zwiča, na vhukati ha vhahulwane, ho ima Ngwana vhunga yo no vhulawa, i na thoho dza sumbe na mačo a sumbe, a re Mimuya ya Mudzimu ya sumbe yo rumelwaho kha liphasi lothe.

²⁰⁰ Naa iyo Mimuya ya sumbe ndi mini? Avho vhadinda vha sumbe. Hu na Columba Mukhethwa, na Irenaeus, na—na John Wesley, na Martin Luther, na vhańwe-vho. Ni a vhona, “Mimuya ya sumbe,” ine ya vha vhanna vha sumbe (vharuňwa vha sumbe), vhane vha vha milaedza ya sumbe.

²⁰¹ Mapfundu a sumbe, Mimuya ya sumbe, vharuňwa vha sumbe, ḥanga dza sumbe, na zwivhidzo zwa sumbe. Ni a vhona, sumbe sumbe, hu na sumbe thanu, zwine, *sumbe* ndi “u khunyelela,” *thanu* ndi “tshilidzi,” Tshilidzi tsha Mudzimu kha Zwikhathi Zwa Sumbe Zwa Tshivhidzo. Vhanna Vhawe vha sumbe, Mimuya Yawe ya sumbe ya Mudzimu, mapfundu a sumbe a thengululo (ri kha zwino), ḥanga dza sumbe dici amba “zwikhathi zwa sumbe.”

²⁰² Ngauri, ḥanga li amba “muvhuso.” Ni a elelwa khare i tshi da kha liphanda (ḥanga) kha Daniele, na zwińwe zwinzhi? Ni a vhona, zwi amba muvhuso, kana “zwikhathi zwa sumbe.” Huno,

elelwani, Yesu o ri, "Vharīwe vho edela nga watshi ya u thoma, tshikhathi tshithihi; muñwe kha watshi i tevhelaho, tshikhathi tshi tevhelaho; tshi tevhelaho; huno tshi tevhelaho; thwii u ya kha watshi ya vhusumbe. Huno nga watshi ya vhusumbe Muhwe a ḋa, huno zwenezwo vhoṭhe vha karuwa." Ni a elelwa izwo?

²⁰³ Ngauralo ndi zwa sumbe "zwikhathi" ho vha hu *nanga* dza sumbe, na *zwivhidzo* zwa sumbe, kana "zwa sumbe zwi... zwifhinga zwa muvhili wa vhatendi." Oo, Li tou vha lo fhelelaho u ya nga hune li nga vha ngaho. Yeremia... Nñe nñe, "Bugu," "zwikhathi," nga ndila ye zwa rengululwa! Hani...[A hu na tshithu kha theiphi—Mudz.]...henefha.

²⁰⁴ Wa vhusumbe na wa u fhedzisela wa aya mapfundo, musi a tshi pfuṇululwa, zwi wanala kha Nzumbululo ndima ya vhu10, ho vha hu na Muruňwa wa maanda (we a vha e Kristo) we a tsela phasi huno a vhea mulenzhe muthihi kha shango huno muñwe kha lwanzhe, huno a imisa tshanda Tshawe huno a ri, "Duvha lo fhela. Tshifhinga tsho fhela. Tsho fhela tshoṭhe. Tshifhinga a tshi tsha ḋo vha hone."

²⁰⁵ Huno A ri, "Kha u huwelela ha...nga tshino tshifhinga, tshipiri tsha Mudzimu tshi tea u khunyelela." Ane Mudzimu a vha ene na uri O vhonadzwa hani; hani musi ilo pfundo li tshi pfuṇululwa, ri thoma hani u pfectesa zwino uri O vha a Murwa wa Mudzimu hani, O vha a Mudzimu Ene muñe o itwa nama; na nzumbululo ya uri Ndi Ene nnyi; zwi teya vuledzwa phanda ha musi uyu Muruňwa a tshi nga vhea milenzhe Yawe kha shango na lwanzhe huno a ana uri "a hu tsha ḋo vha na tshifhinga" musi tshino tshifhinga tshi tshi swika. Ri henefho dzharatańi ya nga phanda yazwo zwa zwino. Ni a vhone?

²⁰⁶ Ya u fhedzisela ndi Nzumbululo 10, "Mulenzhe u re shangoni na lwanzheni," tshifhinga tsho vha tsho no fhela, thengululo yo fhela, huno zwino U da sa Ndau. O vha e Ngwana tshifhingani itsho, zwino U da sa Ndau ya lushaka lwa Yuda.

²⁰⁷ Zwino, i ri ni ndi vhale zwiňwe zweṭhe zwa izwi uri ndi kone u zwi isa kha inwi nga u ṭavhanya zwino, huno ndimana ya vhu:

Huno musi o no dzhia bugu, mavhanda maña na one magota a fumbili... huno one magota maña na fumbili a gwadama phanda ha Ngwana, muñwe na muñwe wawho e na dziharipa, na madzhomela a musuku o dalaho minukho,... na thabelo dla vakhethwa.

²⁰⁸ Zwino, itshi ndi tshifhinga tshire tshiňwe na tshiňwe tshi fanela u luvha. Zwino, elelwani, uri two tea hani. Zwino, ni songo tenda ri tshi fhirwa nga izwi zwino. Thetshelesani nga vhuroňane. Musi zwiphiri zweṭhe zwa tshikhathi tsha tshivhidzo two no vuledzwa, musi zwiphiri zweṭhe zwa pułane dla thengululo, ayo mapfundo a sumbe o pfuṇululwa kha...nga u ṭavhanya nga murahu ha izwi zwino, sedzani, ndi tshifhinga tsha—tsha vhoṭhe, tshiňwe na tshiňwe Tađulu na tshiňwe na

tshiñwe kha liphasi u luvha Mudzimu. Zwino, lavhelesani zwine zwa itea. Thetshelesani kha...ndi, itanu thetshelesa hezwi lwa miniti:

Huno vha imba luimbo luswa, vha tshi ri, Iwe wo fanelwa...

²⁰⁹ Thetshelesani hune uhu u losha hafha! Vhahulwane, mavhanda, tshiñwe na tshiñwe tsho wa heneffo phanda Hawe, ni a vhona, nga u ralo, musi A tshi ita pułane Yawe yo vułedzeaho. Ndi tshifhinga tsha u losha zwino, ni a vhona:

Huno vha imba luimbo luswa, vha tshi ri, Iwe wo fanelwa u dzhia bugu, na u pfuñulula mapfundo a hone: ngauri iwe wo vhulawa, nahone wo ri rengululela kha Mudzimu nga malofha au u bva kha lushaka luñwe na luñwe,...ndimi, na vhathu, na lushaka;

Huno Iwe wo ri ita dzikhosi dza Mudzimu washu na vhotshifhe: huno ri do vhusa kha liphasi. (Thetshelesani, iyo mimuya yo rengululwaho i tshi khou lila nnđa heneffo. Hmm!)

Huno nda vhona, huno nda pfa lone ipfi la vharuñwa vhanzhi u mona na khuluñoni na zwivhanda na vhahulwane: huno nomboro yavho yo vha i zwigidi zwa fumi zwi tshi andiswa nga zwigidi zwa fumi, na zwigidi zwa zwigidi; (Tshiñwe na tshiñwe ngei Tađulu tshi khou luvha iyi Ngwana, ni a vhona.)

Vha tshi amba nga ipfi ljhulu, Ngwana yo fanelwa (Haļeluya! Haļeluya!) we a vhulawa u ḥanganedza maända, na lupfumo, na vhučali, na nungo, na khuliso, na vhugala, na phaṭhutshedzo.

²¹⁰ Thetshelesani, “Huno tshivhumbwa tshiñwe na tshiñwe!” Thetshelesani zwe Yohane a ita:

Huno tshivhumbwa tshiñwe na tshiñwe tshi re ngei tađulu na kha...liphasi, na fhasi ha liphasi, na zwi no nga zwi re lwanzheni, huno vhothe vha re khavho, vho pfa nne (Yohane) vha tshi ri, Phaṭhutshedzo,... khuliso,...vhugala,...maända, kha uyo o dzulaho kha khuluñoni, na kha Ngwana lwa lini na lini.

²¹¹ Yohane u fanela u vha o vha na Pentekoste ya ene muñe. O ri, “Tshivhumbwa tshiñwe na tshiñwe ngei Tađulu, tshivhumbwa tshiñwe na tshiñwe kha liphasi, tshivhumbwa tshiñwe na tshiñwe fhasi ha liphasi, tshivhumbwa tshiñwe na tshiñwe tshe tsha vha tshi lwanzheni, tsha mpfa ndi tshi ri, ‘Amen, vhugala, khuliso, maända, na dziphathutshedzo, kha zwi vhe kha Uyo o dzulaho kha Khuluñoni, iyo Ngwana.’”

²¹² Tshifhinga tsha u losha! Amen! “Vho zwi ita hani?” Hafha ndi Ipfi Ławie, inwi...vhothe vho zwi pfa.

Huno mavhanda maṇa a ri, Amen. No luga, Yohane, itanu zhamba na u Mu renda nga u ya nga hune na kona. Zwi...

...o mpfa ndi tshi ri, Dziphaṭhutshedzo, Amen, vhugala, vhutali, maanda, na nungo...

...*Huno maṇa na a fumbili magota a wela fhasi huno a mu luvha we a dzula... a ne a tshila lini na lini na lini na lini.*

²¹³ Ndi tshiṭori tsha vhudi hani! Zwino, a thi na tshifhinga. Ndi nazwo zwo nwaliwa, ḋziňwe mbuno dzazwo hafha, fhedzi muṭangano washu u tevhelaho phanda ha musi ri tshi nga dzhena kha... Khamusi musi ndi tshi bva holodei yanga kana nga tshiňwe tshifhinga, Ndi khou ṭoda u wana hedzi vhege dza fusumbe dza Daniele huno nda dzi ḥumanya hafha, huno nda zwi sumbedza hune zwa zwi isa kha Muhuvho wa Pentekoste, huno nda zwi vhuisa murahu na ayo a sumbe ma-... ayo mapfundo a sumbe u a vula hafha phanda ha musi ri tshi ḥuwa, huno ra sumbedza uri ndi kha vhufhel, hezwi...

²¹⁴ Ngwana, ene Mesia, Mukololo u tea u da huno zwi tea u vha zwa vhege dza fusumbe (ndi miňwaha ya sumbe) ye ya porofitelwa vhathu Vhawe. Huno Mukololo u do tumulwa vhukati, ndi miraru na hafu, hafu ya sumbe ndi miraru na hafu, i do tumulwa. Huno tshiṭhavhelo tsha ḫuvha na ḫuvha tshi do bviswa; huno hone vhutudzi hune ha di sa vhuthubwa (zwine Musilimu ya Omar ya ima thembeleni ḫuvha le vha fhisa thembele), huno zwenezwo hu na miňwaha miraru na hafu yo salaho kha vha Isiraele.

²¹⁵ Huno Kristo a da huno a rera nahone a porofita lwa miňwaha miraru na hafu kokotolo, huno tshiṭhavhelo tsha ḫuvha na ḫuvha tsho bviswa, tshiňwe na tshiňwe tsho tou fhelela sa zwine tshi nga vha ngaho. Huno Musilimu ya Omar yo vha i yone... yo fhaṭwa mavuni eneo mathihi huno ya ima heneffho kha lino ḫuvha. Huno vha do kandekanya mbondo dza Yerusalem u swika tshikhathi tsha Vhannda tshi tshi fhela, tshone Tshivhidzo tshi ya takulwa (vhone Vhanangiwa, eneMuselwa) u bva nn̄da hafha.

²¹⁶ Huno vhaporofita vhavhili, Eliya na Mushe, a rembulutshela kha Isiraele u itela miňwe mivhili na—na hafu ya nwaha... miňwaha miraru na hafu. Ndi tshithu tsho nakesaho musi ni tshi tshi vhona tshi tshi bviselwa nn̄da.

²¹⁷ Ni a Mu funa? Nga mibil yanu yothe? Ni a pfectesa zwino uri Bugu ya mapfundo a sumbe yo vha i mini? Zwine Wa vha zwone: ro U wana, “kha tshikurolo,” zwino. Huno itonu elelwa, kha aya maduvha a u fhedzisela fhedzi... Lo vha lo vhulungwa kha Mudzio wa lifhasi. Ni a pfectesa izwo zwino? Huno Uyo Mudzio wa lifhasi wo vha u nnyi? Yesu Kristo. A hu na muthu we a vha Nawo, a hu na muthu we a vha Nawo, ndi nga Khae fhedzi. A zwo

ngo vhuya zwa n̄waliwa kha Ipfi. Arali Lo n̄waliwa kha Ipfi, lo vha lo dzumbiwa uri ni si kone u Li wana. Ndi zwone. Nguralo zwi Khaye uri Lo dzumbululwa, huno kha uyo Mudzio wa lifhasi uri Li sa siñe kana u t̄ahala.

²¹⁸ Huno zwenezwo U a da huno a kokodzela murahu tshiñwe kha Tshivhidzo Tshawe, huno a ri, “Ni a vhona, Ndi a sa shanduki mulovha, namusi, na lini na lini. Ni a vhona? Ni a vhona? Zwino, no dzulela u d̄ivhudzisa uri kana—uri muitazwivhi a t̄ungufhadzaho u do swa lwa U Ya Nga Hu Sa Fheli kana o vha a tshi do tou tshinyadziwa nga murahu ha miñwaha ya milioni. Khezwi afha. Zwo vha zwi zwenezwo. A hu na zwithu zwe raloho sa hele ya U Ya Nga Hu Sa Fheli. Ho vha hu si nga vhi wa U Ya Nga Hu Sa Fheli, ngauri ndi... vhudzulavhafu ho vha hu si na Nne musi ndi tshi thoma murahu hangei. Ndo vhu sika u gwevha vhavhi. Ni a vhona? Naa ni khou ofha mini, ni a vhona, nga ha Mbeu ya Abrahamu na izwi zwithu zwe ñthe zwe fhambanaho? Fhedzi...” Izwo zwi tou vha—tou vha mavhalangwe azwo, ni a vhona, fhedzi musi ni tshi dzhena ngomu ha ndila ine Mudzimu a pfuñulula ayo mapfundo, huno a a sumbedza, a tsela heneffo fhasi; ni a vhona, musi ni tshi ita, zwenezwo ni nga si kone u t̄utshela kule ha iyi Bugu. Ayo mapfundo....

²¹⁹ Inwi ni ri, “Oo, pfundo lo amba tshiñwe tshithu-vho, Mukomana Branham.”

²²⁰ Imani lwa tshifhinganyana! Zwi tea u vhambedza na Hezwi, ngauri zwe vha zwe pfuñelwa nga murahu ha hezwi u dzumbulula Hezwi. Ndi... Naa ndi mini? Naa ho vha hu mini? Hafha, vhunga hafha, Yeremia. Inwi ni ri *tshiñwe tshithu-vho* tsho bvelela; inwi kokodzelani *itshi* nn̄da, hafha ndi hune itsho tsha vha hone. Zwo luga. Kherukanyani *izwo* huno ni sedze murahu hafha, hafha ndi he zwa vhala zwe zwa bvelela. Zwo luga. Inwi kherukanyani *ili* liñwe hafha, sedzani hafha, huno izwo ndi zwe zwa bvelela. Ni a vhona, izwo ndi zwenezwo zwithihi zwine iyi Bugu ya vha zwone, ni a vhona, nga murahu hayo.

²²¹ Vha ri, “Zwo luga, a thi pfecti. Vhañwe vha ri, ‘Khotsi, Murwa,’ na vhañwe, ‘Muya Mukhethwa,’ huno vhañwe vha ri, ‘Dzina la Yesu,’ tshiñwe na tshiñwe nga u ralo.”

²²² Zwo dzumbiwa miñwaha iyi yoñhe. Fhedzi zwino hafha khezwi, li vuleya murahu, li ya murahu hoñhe u sumbedza uri hu na Mudzimu muthihi. Na kathihi a ho ngo vha fhedzi Mudzimu muthihi. Izwo ndi ngoho. Huno Dzina Lawe....

²²³ Zwi nga Bugu ya Mateo, 28:19, “Iyani-ha, huno ni funze tshaka dzoñhe, ni tshi vha lovhedza nga Dzina la Khotsi, Murwa, Muya Mukhethwa,” huno Khotsi a si dzina, huno Murwa a si dzina, huno Muya Mukhethwa a si dzina. Zwino, naa ni khou yo vha lovhedza hani? Naa ndi lifhio la ayo madzina ane na khou yo

lovhedzwa ngalo, ngeno a si madzina othe? Zwenezwo mini? A ni khou yo lovhedza nga linwe dzina, zwenezwo. Itsho ndi Tshikolo tsha Vhaporofita hafhu, ni a vhona.

²²⁴ Zwenezwo ni vhuya murahu kha hafha fhethu murahu hafha, huno ni dzhiya nga hafha huno na zwi humisela murahu huno na ya murahu kha Mateo 1, naa U do ita mini? Itanu kokodza hezwo murahu huno ni zwi dise murahu hafha:

Zwino mabebo a Yesu Kristo o vha a kha heyi ndila: (Hu si Midzimu miraru, zwino, ni a vhona.) Musi... mme awe... who fulufshedziswa Yosefa, vha sa athu tangana, o wanala e na nwana wa Muya Mukhethwa. (Hu si Mudzimu Khotsi; “wone Muya Mukhethwa.” Huh?)

...hezwi zwethe zwo itwa, uri...

Huno Yosefa munna wawe,... munna muvhuya,... a sa funi u mu shonisa, a humbula u mu tutshela lwa tshidzumbe.

...kha hezwi zwithu,... musi a tshi kha di elekanya nga ha... vhonani, murunwa wa Murena a bvelela khae muloroni, a ri, Yosefa, iwe murwa wa Davita, u so ngo ofha... dzhia Maria mufumakadzi wau: ngauri izwo zwe a dihwala ngazwo ndi zwa... (Mudzimu Khotsi?)... wone Muya Mukhethwa.

²²⁵ Ndo elekanya uri, “Mudzimu Khotsi o vha e khotsi Awe.” Ndi khou amba izwi nga nthani ha ndovhedzo i no khou da. Ni a vhona? Ndo elekanya uri, “Mudzimu Khotsi o vha e khotsi Awe.” Zwino, zwi nga vha uri Muya Mukhethwa na Mudzimu Khotsi ndi Muthihi, kana O vha a na vhokhotsi vhavhili; zwenezwo Ndi nwana wa khangamutupo, huno zwenezwo ri na lushaka-de lwa Mudzimu? Hmm? Ni a vhona?

Huno izwi zwo vha... zwethe... zwo itwa, uri zwi kone u khunyelela... zwo ambiwa nga ha Murena nga muporofita,...

...tshipofu tshi do dihwala, huno a beba murwa,... vha do mu rina dzina la Yesu,... (Izwo ndi zwone?)... Huno U do vhidzwa Emmanuwele, ane... a vha, Mudzimu u na rine.

²²⁶ Zwino, ni a vhona, musi A tshi kokodzela pfundo murahu, naa ndi mini tshithu tshothe tshi bvaho kha Mateo ndima ya 1 (humelani murahu)? Mulandu, Yesu Kristo. Izwo ndi zwone kokotolo zwe Petro a amba nga Duvha la Pentekoste. Izwo ndi zwe vhane vhothe vha amba.

²²⁷ A hu na zwine, itshi tshivhalonyana tsha Vharoma tsho do tea u da huno tsha ri, “Oo, hai! Ri tea u vha na Midzimu miraru. Ri na...” Vha na ya zwigidi zwa fumi zwazwo zwino: hu na Maria na Mukhethwa Cecilia, na Mukhethwa Marcus,

na Mukhethwa *Mukene-nene*. Huno ndi elekanya uri hu na vha mađana mađanu na tshiňwe tshithu ngei Mexico City. Musadzi o vhulawa tshiňwe tshifhinga tsho fhiraho nga vhaňwe vha vhafunwa vhawe, huno vha dzhena kha nndwa nga nthani hawe huno vha mu vhulaha, ngauralo vha mu ita mukhethwa, huno vhatu vha tshi khou ita tshanduko khae, na tshiňwe na tshiňwe nga u ralo. U rerela!

²²⁸ Huno hafha tshivhidzo tsha Porotestanti tshi da na zwine vha zwi vhidza Ndaela ya Vhaapostola, “Ndi tenda kha Mudzimu Khotsi Ramaandaothe, muvhulungi wa matađulu na lifhasi, na—na tshivhidzo Tshikhethwa tsha Roma Kađolika. Huno ndi tenda kha u rabelela vhakhethwa, tshilalelo tsha vhakhethwa.” Vhaprotestanti vha tshi ri phasi ha muano wa Mudzimu, uri u tenda kha vhuđama ha vhakhethwa. Uho ndi u rerela! Ni a vhona? Zwenezwo vha bvela phanda huno vha zwi ita, ngoho, ngauri tshivhidzo tsho amba nga u ralo. (Oo Mudzimu, ndo takala hani u divha zwine nda divha! Ndo takala hani u divha zwine nda divha!) Vha sa limuwi uri vha khou di bvisa vhone vhađe kule tshođhe na Mudzimu, nnda ngomu swiswini. Huno ni nga si vha vhudze, ngauri a vha koni u zwi vhona zwavhukuma.

²²⁹ Ndi ḥoda u vhudzisa . . . a hu na ane a tea u amba hezwi. Hu na vhatu vha no swika fumiđhanu kana vha fumbili, vho dzulaho henefha, vhe vha vha vhe na mulandu wa u elekanya uri ndo vha ndi Yesu Kristo. Naa vho vha vha tshi nga zwi ita hani? Ndo vha ndi henefho khavho u swika ndi tshi wanulusa uri Mudzimu o mmbudza “uri wo vha u maya.” Huno avho vhanna, nda ri . . . Huno avho vhanna vho ntenda, ipfi liiwe na liiwe. Nda ri, “Naa ni ntenda hani-ha, arali ndi tshi ni vhudza?” Zwenezwo ra ya kha Ipfi, zwenezwo vha thoma u vhona, ha pfi, “Zwo luga, ngoho, a ro ngo u tenda kana ro vha ri tshi do vha ro thetshelesa zwe wa amba.” Ni a vhona henefho?

²³⁰ Fhedzi zwa vhukuma vho elekanya uri vho vha vhe kha ngoho, nga u fulufhedzea. Ni a vhona? Huno muňwe wa iyo mimuya u ya da kha inwi, une wa vha nazwo, ni a vhona, ni do zwi tenda ngangoho. A thi londi, inwi . . . a hu na muthu ane a nga ni vhudza inwe phambano-vho. Ni a vhona? A hu londwi uri Ipfi li amba zwi ngafhani nga u ralo, zwo luga, inwi ni tou sa Li tenda naho zwo ralo; itonu bvela phanda. “Arali ni tshi ḥoda u vha nga iyo ndila, bvelani phanda, huno ndi na ndila yanga.” Ni a vhona, izwo zwi sumbedza uri no doliswa maya u si wone.

²³¹ Muya wa Mudzimu u do al- . . . Zwo ralo, inwi ni ri, “Mini-ha nga ha inwi muñe, Mukomana Branham?”

²³² Ndi vhudzisa nnyi na nnyi . . . Nne tshifhinga tshođhe ndo lugela nnyi na nnyi u ntsumbedza zwo lugaho na zwo khakheaho, fhedzi zwi tea u vha Ipfi. Vha nga si kone u ri . . . Vha tea u bva kha Ipfi! Ngauralo henefho ndi hune aya mapfundu a pfuňululwa. Huno ni songo vhilaela na khathihi, arali hu

pfundo li do dīdīvhadza u bva kha Genesi u ya kha Nzumbululo. Ngauralo ngeyo mapfundo. Naa a ni Mu funi?

Ndi a Mu funa, ndi a Mu funa
Ngauri O funa nne u thoma
Huno o renga tshidzo yanga
Murini wa Khalivari.

²³³ Kha ri kotamise zwifhaṭuwo zwashu. [Mukomana Branham u thoma u ḥnuṇuna *Ndi A Mu Funa*—Mudz.] Ndi vhangana ngomu hafha vhane vha sa Mu ḫivhe sa Mutshidzi waṇu, vhane vha tama u Mu vhila mbiluni yaṇu? Ni a ḫivha, ndi tenda kha u ya kha aleṭare, ndi a zwi tenda zwavhukuma. Izwo ndi zwa vhuḍi. Fhedzi Bivhilini a vho ngo ya kha aliṭari u tshidzwa, vho tou Li tenda mbiluni dzavho huno vha Li ḫanganedza. Ndi vhangana vha vho inwi vhane vha ḫo da nga ndila ya Bivhili, “Vhanzhi vhe vha tenda vho lovhedzwa”? Naa ndi vhangana vhane vha tenda ḥamus, o no zwi ita kale fhedzi ni khou ḫoda u zwi bula khagala uri no vha no “khakha” kha ndila dzaṇu, huno ni ḫoda u ḫanganedza Yesu sa Mutshidzi waṇu? Naa ni nga imisa zwanda zwaṇu zwifhaṭuwo zwaṇu zwe kotama, na ri, “Ndi . . .”

²³⁴ Mudzimu a ni fhaṭutshedze. Mudzimu a ni fhaṭutshedze. Mudzimu a ni fhaṭutshedze. Mudzimu a ni fhaṭutshedze, inwi. Mudzimu a ni fhaṭutshedze, murahu-rahu. Mudzimu a ni fhaṭutshedze, inwi. Mudzimu a ni fhaṭutshedze, murahu afho. “Zwino ndi a tenda.” Mudzimu a ni fhaṭutshedze. Mudzimu a fhaṭutshedze munna murahu afho. Zwino, ni a elelwa, hu si *hafha* fhedzi mbiluni yaṇu, kha Mudzimu, ni khou dibula vhathuni, “Murena, ndi a ḫivha uri ri kha tshifhinga tsha vhufhelo. Ndo fhela.”

²³⁵ Liñwe ḫuvha ndo vha ndi tshi khou amba na khonani ḫukhu yanga fhano doroboni, Dokotela Sam Adair. Ro vha ro dzula ofisini. Nda ri, “Sam, ndo vha ndi na iñwe gese.”

Ha pfi, “Naa ni zwi ḫivha hani uri ndi gese? U mona na mbilu yaṇu?”

Huno nda ri, “Ee.”

²³⁶ A ri, “Izwo zwi nga tou vha u khetha ha malofha kha mbilu—mbilu—mbilu thaidzo ya mbilu—thaidzo ya mbilu.” Ha pfi . . . (Ni mpfarele.) Ha pfi, “Hu nga ḫi vha thaidzo ya mbilu.”

²³⁷ Ha pfi, “Zwino, naa ni zwi ḫivha hani uri i henefho?” A ri, “I ri ni ndi ni sedze.”

A ḫola, a ri, “Hai, a hu na tshithu tsho khakheaho kha inwi.”

²³⁸ Nda ri, “Sam, tshifhinga tshothe zwi tshi ḫa . . .” Ndi na miñwaha ya fuṭhanu-mbili nga vhukale, huno Sam ndi muhulwane zwituku kha nne. Nda ri, “Musi zwi tshi ḫa, Sam, iyi miñwaha yothe ya furaru ye nda i dzhenisa ndi tshi khou lingedza u ita uri vhathu vha tende kha Yesu Kristo, huno uyo

ane nda mu funa na u mu shumela hetshi tshifhinga tsho^{the}; a zwi iti phambano kha nñe musi A tshi ða, ndi ðo ya Hayani.”

²³⁹ A ri, “Billy, ni a ñivha, hune nda wana zwi^{hulwanesa}? Ndi u itela muñwe muthu tshiñwe tshithu-vho.”

Nda ri, “Uvho ndi vhutshilo ha vhukuma.”

²⁴⁰ Arali ni na vhulaifa hafha kha lino shango, khonani, ndi vhulaifa vhu tshinyalaho. Fhedzi ri ñanganedza lone ifa line ali sini. Ñwana o xelaho o ñuwa huno a sia ifa lawe, huno a dzhia tshipida tshalo nae. Musi a tshi vhuya murahu, ifa lawe—ifia lawe lo vha lo tshikafhadzwa. Fhedzi arali no shavha kha ñanu, a zwe ngo ralo kha Muvhuso wa Mudzimu, ri ñanganedza ifa li sa tshinyali. Naa a ni ñodi u Li ñanganedza? Ho no vha na vha no ñodou swika fumiñhanu vha no imisa zwanda zwavho, vhaitazwihhi vhe vha ñoda u ñanganedza ifa lavho matsheloni ano. Naa hu ðo vha na muñwe ri sa athu rabela? Ee.

Nga u ongolowa zwino:

Ndi a Mu funa, ndi... (Dzudzanyani
muhumbulo wanu zwino. Arali ni tshi pfa
uri ni tea u ralo, itshi tshi ðo vha tshifhinga.)

Ngauri O funa nñe u thoma
Huno o renga tshidzo yanga
Kha...

Mudzimu a ni fhañutshedze. Mudzimu a ni fhañutshedze...?

²⁴¹ [Mukomana Branham u thoma u ñuna *Ndi A Mu Funa*—Mudz.] Khotsi wa Tadulu, kha u dzika ha tshino tshifhinga, ri ñisa kha Iwe havha vhathetshelesi, fhasi ha nyimele i si na nungo matsheloni ano, Murena, ndi tshi khou lingedza u ñisa uyu Mulaedza kha vhatthu ngauri ndi a vha funa. Ndi ñoda vhone vha tshi U pfa, Murena. Ndi ñoda vha tshi gimiwa. Ndi ñoda vha tshi ñivha uri izwi zwithu zweño the two itwaho kha miñwaha i si gathi yo fhiraho a zwi ngo sokou iteya nga phoswo, ho vha hu Iwe, Murena. Ho vha hu Iwe we wa vha u tshi khou vula izwi zwithu. Huno, O Mudzimu, roñthe ri pfa uri heneffa phanda hashu hu na Muhuvho muhulu.

²⁴² Ndi rabelela avha vho imisaho zwanda zwavho. Vha a ñivha uri vho khakha, Murena. Zwithu zwinhi zwiñtu... Khamusi vho wana iñwe tshelede kha muñwe muthu luthihi nga murahu ha tshifhinga, fhedzi naa yo ita mini? A vha ñivha uri yo ya gai, vho tou salelwa nga ñukhu, ngauri ndi ifa li tshinyalaho. Huno arali vha tshi ðo i siela muñwe muthu-vho, i ðo dovha ya tshinyala hafhu.

²⁴³ Fhedzi ri na vhulaifa vhu sa tshinyali, uvho ndi, tshidzo, thengululo, u humela murahu ngadeni ya Edeni hafhu. Elekanyani ngazwo, Murena, ndi nnyi aña a sa ðo ñoda u humela murahu sa Adamu na Efa huno a tshila murahu afho? Zwiliwa

zwashu zwe netshedzwa duvha na duvha; Khotsi wa Ṭadulu u dzulela u tshimbila kha ndila a tshi amba na riñe; vhona itsho Tshedza tshihulwane tshi tshi khou tshimbila phanda hashu. Ndau na phele i tshi khou fula dzothe, mbudzi i tshi khou la hatsi, ndau i tshi khou la nayo; musi ngeno zwi tshi vho lana, kana ndau i lambudzi, huno phele i la mbudzi, tshiñwe na tshiñwe tshine a nga la. Fhedzi nga ayo mađuvha zwi nga si vhe nga iyo ndila. Zwinoni zwiñoni zwihulwane zwe nakaho zwi tshi fhufha. A hu nga vhi na vhutungu. Na kathihi hu nga si vhe na luswayo lwa uri ro fhira mafulufhelo ashu. Fhasi kha vhutala heneffo ri vhona vhana vhashu, vhafunwa vhashu. Oo Mudzimu, ndi duvha-de nandi! Ndi duvha-de nandi! A hu londwi zwine ra ḥanganedza fhano kha lifhasi, ndi—ndi—ndi zweþhe zwi khou yo ngalangala, fhedzi Izwo a zwi nga do ngalangala.

²⁴⁴ Mudzimu, ndi nga di kundelwa u amba na avha vhathu who imisaho zwanda zwavho, fhano kha ili lifhasi. A thi ñivhi. Ndi a fulufhela uri ndi a ralo. Fhedzi arali nda sa ralo, zwenezwo, Murena, ntendele ndi ḥanganane navho fhasi kha vhutala heneffo. Vha nga amba tshiñwe tshithu tshi no nga itshi, “Mukomana Branham, ni a elelwa fhasi kha lifhasi itshi tshithu tshihulwane tshi sa athu bvelela, nga mañwe matsheloni no vha ni tshi khou amba nga ha u—u pfunululwa ha mapfundo e a vha o vhulungwa kha Mudzio wa lifhasi? Ho vha nga itsho tshifhinga tshe A da nga mudzio wanga wa lifhasi, ndo vha ndi muñwe we a imisa tshanda tshanga nga ayo matsheloni. Oo, ndo takala nga maanda uri ndo vha ndi heneffo.”

²⁴⁵ Ndi do ri, “Mukomana, khaladzi, ndo takala nga maanda uri ndo vha ndi heneffo, na nñe-vho. Zwino ri na vhuledzani roþhe kha zwikhathi zweþhe.”

²⁴⁶ Vha fhaþutshedze, Khotsi, ndi Vhau. Wo ri, “A hu na muthu ane a nga da kha Nñe nndani ha musi Khotsi o mu kokodza. Huno vhoþhe vhe Khotsi a Nñea vha do da, a hu na na muthihi wavho a no do xela.” Ngauralo ri—ri a livhuwa, Khotsi, nga hezwo. Ngavhe vha tshi da zwino huno vha wana vhutanzi ha u tshidzwa havho, hu si u ya u vha murado wa tshivhidzo. Fhedzi ḥanziel a si u vha murado wa tshivhidzo fhedzi Mbebo ntswa, u ḥanganedza Muya Mukhethwa. Ngavhe vha tshi U ḥanganedza, Khotsi. Ngauri ri zwi kumedza zwandani Zwau, nga Dzina la Yesu Kristo. Amen.

²⁴⁷ Nga nthani ha idzi sagaduku: Murena Yesu, ndi rabelela idzi sagaduku; huno ra humbeluuri U fhaþutshedze vhoþhe vha re na þodea, vhoþhe vha re fhano, Murena, uyu musadzi a ḥungufhadzaho o dzulaho hafha kha tshidulomilinga.

²⁴⁸ Nga murahu ha uyu muþangano muhulwane matsheloni ano, Khotsi, ri tshi pfa Muya Mukhethwa Wau u tshi qala tshoþhe nga kha riñe, vha tshi pfa Ipfi li tshi tsela fhasi huno la þoka midzi mbiluni dza vhathu. Vha nga si zwi hangwe na kathihi,

Murena. Tshifhinga tshoṭhe musi vha tshi pfa izwi zwithu vha do elekanya nga ha ayo mapfundo a tshi pfuṇululwa. Zwino, ri thuse u ḋivha zwe ayo mapfundo a vha e zwone, Murena, uri muṇwe na muṇwe a si kanganyiswe ṭhalukanyoni yawe, fhedzi u do ḋivha u bva kha “U RALO MURENA” uri ndi pfundo la Mudzimu, mapfundo e Mudzimu a a dzumbulula kha riṇe.

²⁴⁹ Ri rabela uri U do fhodza vhalwadze vhoṭhe na vha ṭhupheaho. Zwi tendele, Murena. Muya Wau u hone. Arali U tshi nga tshidza muitazwivhi murahu tshifhaṭoni, U nga fhodza muthu a lwalaho henefho, nae-vho. Ndi rabela uri U do zwi tendela, Murena, huno wa fhodza avho vhane izwi zwisagaduku zwa imela vhe vha vha nga si koni u swika fhano ḥamusi. Ri zwi kumedza zweṭhe kha Iwe nga Dzina la Murena Yesu Kristo. Amen.

²⁵⁰ Ndi a tenda vha na lushie luṭuku lu no ḫoda u kumedziwa. Naa uyo musadzi u fhano na lushie luṭuku? Naa ni nga lu ḫisa nga tshino tshifhinga? Ri do takalela u kumedza muthu muṭuku. Hai, a ni tei u vha muṭuku, itanu da. (Vhaṇwe vha vhahulwane iḍani ni ime na nne arali ni tshi do ralo nga tshino tshifhinga.) Lo aluwa hani? Miṇwaha mivhili na hafu. Dzina lawe ndi nnyi? Scott? Scott Ford, Scott Ford muṭuku, miṇwaha miṇa na hafu nga vhukale, a tshi ḫoda u kumedzwa matsheloni ano kha Murena wawe na Mutshidži wawe, Yesu Kristo. Mme awe vha a mu ḫisa. (Tswititi, iḍani phanda, mukomana.)

²⁵¹ Murena wa tshilidzi, ri ḫisa kha Iwe ulu lushie luṭuku matsheloni ano, nga ndila ya u lu kumedza. Ri tshi vhea zwanda zwashu kha lushie luṭuku, uyu mutukanyana, huno ra humbelā uri maanda o vusaho Yesu tshaloni a hanyise uyu mutukana muṭuku. Mudzimu, ngavhe a tshi tshila kha mutakalo na nungo. Ngavhe a tshi tshila, Murena, kha vhugala Hau. Nga ndila ye Wa vha wo no di dzula ngomu u thusa ulu lushie, huno ri a Ū livhuwa nga n̄thani hazwo. Huno ndi rabela uri U do isa phanda na u vha na muthu muṭuku. Ivha na vhabebi vhawé, vhafunwa vhawé. Ngavhe...ri a ḋivha nahone ri a funzwa zwauri zwithu zweṭhe zwi a shumisana u itela zwivhuya kha avho vha no funa Murena. Nga ndila ine izwi zwithu nga tshiṇwe tshifhinga zwa kokodzela vhatħu tsini ha Iwe. Ndi rabela uri U do tendela phaṭutshedzo dzine ra dzi humbelā. Huno zwino, Khotsi, nga u thetšelesa Ipfi Lau, ri kumedza uyu mutukanyana kha Iwe nga Dzina la Yesu Kristo. Ngavhe U tshi ḫanganedza muya muṭuku wawe, mbilu, na muvhili, huno wa mu shumisela vhugala Hau. Amen.

²⁵² Mudzimu a ni fhaṭutshedze, khaladzi. Mudzimu a ni fhaṭutshedze, Scott muṭuku. Ri livhuwa hani Murena nga izwo!

²⁵³ Zwino, ndi nnyi ane a khou ya u lovhedzwa? Hu na tshigwada tsha vhatħu tshire tsha khou ya u lovhedzwa, ndi a tenda. Musi ri tshi khou lugisela hezwo, kha ri imbe...ndi a ni vhudza zwine ri n̄ga ita, kha ri imbe...Ndi do tendela Mukomana Neville u zwi

ita. Ndi a zwi divha uri zwi ḋo luga zwenezwo. Zwo luga, muṇe wanga, Mukomana Neville.

²⁵⁴ Ni a funa Murena, i ri ni “Amen.” [Tshivhidzo tshi ri, “Amen!”—Mudz.] Naa ni ḋo nthabelela? [Tshivhidzo tshi ri, “Amen!”] Amen. Amen. 

NZUMBULULO, NDIMA YA VHUTANU TSHIPIDA TSHA II TSV61-0618
(Revelation, Chapter Five Part II)
MILAEDZA YA NZUMBULULO YA YESU KRISTO

Hoyu Mulaedza nga Mukomana William Marrion Branham, u rangani wo ḥewa nga Tshiisimane nga matsheloni a Swondaha, Fulwi 18, 1961, Thaberenakejeni ya Branham ngei Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi ṭhalutshedzo ya Tshivenda yo gandiswa huno ya phaḍaladzwa nga vha Voice Of God Recordings.

TSHIVENDA

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org